

校刊目經大成

甲午中秋後一日書事有小序

歲已酉。余年廿六。得是術於江夏思坊。刻缺  
謬良多。欲編一善本。授嗣子。開醫醫。至辛  
酉。草草成卷帙。見者面諛腹誹。乃披沙揀金。  
博采詳說。又越十數寒暑。稿四易。書始定。昔  
饑。軀無暇繕寫。今五月初。客鍾賢石竹居館。  
既精潔。心益清寧。取全集錄而裝好。客散睡。

餘隨意展玩。覺書味與茶甘俱。永不懶大言。  
曰。觀止矣。可以啟。勉後人矣。因詩以誌喜。  
藝游無澤惠。中原筆乘經。書數萬言。妙理存。  
存。通大易。生機隱。隱見貞元。敢期姓字留天。  
地。合有清芬。及子孫。後學勿嫌吾道小。活人。  
功。可國醫論。

右灘川黃先生筆乘。目經三卷。證治具備。方  
註加詳。各國專家。實屬寶貴也。且文詞雋爽。老  
嫗能解。凡吉凶悔吝。有關性命者。莫不諄諄  
勸戒。而異端僞學。闕之尤力。不啻等身風雅。  
兼贊翼各教者也。或謂先生丰神英俊。肝膽  
澄徹。故能高出手眼。勘入性靈。清夜讀之。恍  
若重離之照。上下昭明。化溥仁風。飄揚遐邇。

醫教其興歟。或謂先生里居裕如。卓犖好奇。伎學九鷗。無所短長。乃博極羣書。造成絕藝。自序培風山人一段。蓋子虛耳。皆知其然。不知其所以然也。方今風會日新。而士習日下。知名之子。不過留心帖括。博科名。收利祿云爾。求其體皇仁。卹民生。行世既遠。樹德無窮。代有幾人。先生其勇以自立。特藉此而發其

所寄乎高山在望仰止興思伊人豈獨移我  
情哉敦不敏謹受斯業諒先生古道照人將  
更闡其元秘不特疊疊於紙上成言已也

杉陽門人董德敦百拜跋

目經大成目錄

卷二下

執師

理中湯一

理陰煎二

扶陽助胃湯三

九轉丹四

春陽回令九五

白通湯六

八物回生飲七

人參復脈湯八

真武湯九

小建中湯十

大建中湯十一

十四味建中湯十二

治中宣化丸十三

四神丸十四

冲和養胃湯十五

吳茱萸湯十六

四逆湯十七

溫經益元散十八

菊花茶調散十九

攻陣

通氣利中丸一

大柴胡湯二

調胃承氣湯三

小承氣湯四

大承氣湯五

十棗湯六

三花神祐丸七

舟車丸八

清毒逐瘀湯九

麥煎散十

抵當湯十一

通幽丸十二



瘰癧丸十三

滾痰丸十四

梔子豉湯十五

蜜胆導法十六

接汗法十七

倒倉法十八

分珠散十九

散陣

勝風湯一

珠珀鎮驚丸二

獨活寄生湯三

升陽除濕湯四

地黃飲子五

人參敗毒散六

二朮勝濕湯七

消風活血湯八

省風湯九

小續命湯十

大秦芫湯十一

桂枝湯十二

麻黃湯十三

小青龍湯十四

大青龍湯十五

升麻葛根湯十六

柴葛解肌湯十七

三友丸十八

九味羌活湯十九

青空散二十

十神湯二十一

胃風湯二十二

麻桂飲二十三

大溫中飲二十四

神應散二十五

升陽散火湯二十六

黃芪防風湯薰蒸法

艾慈熨法二十八

通天散二十九

廿七

同障

玉屏風散

百合固金湯二

妙香散

加減聲隄丸四

大補黃芪湯五

當歸六黃湯六

寧志丸七

秘製丸八

二氣左歸丸九

九仙丸十

金鎖固元丸十一

白菊清金散十二

養陰清燥湯十三

因障

保嬰丸一

六一散二

十味香茹飲一

清暑益氣湯四

又方五

保胎流氣飲六

蠟子丸七

蠟礬丸八

托裏消毒飲九

仙方活命飲十

神農衛生湯十一

屠蘇酒十二

珠珀蠟礬丸十三

內托千金散十四

太乙膏十五

玉紅膏十六

五苓散十七

疏鑿飲子十八

大順散十九

桂苓甘露飲二十

六和湯二十一

羌活勝濕湯二十二

平胃散二十三

升清平胃散二十四

升陽除濕湯二十五

活血散二十六

調元化毒湯二十七

蘇合香丸二十八

抱龍丸二十九

升解散三十

五積散三十一

天保采薇湯三十二

達原飲三十三

活平丸三十四

日經大成卷三下

不塵子筆

陰風栗烈。陽氣沉埋。欲收寒威。須臨日火。黃蘗方。

理中湯一

人參 白朮 乾姜 甘草

太陰自利不渴。寒多而嘔。腹痛泄泄。脈沉無力。或厥冷拘急。或結胸吐蚘。及感寒霍亂。此方主之。○太陰脾也。自利腹痛為脾病。利而不渴為寒。寒徹於外則四肢厥冷拘急。寒凝於中則結胸。泄泄喜吐蚘出。霍亂者。或嘔或泄。陰陽不和。而揮霍撩亂也。凡此皆虛而致寒。故用乾姜白朮之辛溫。人參甘草之沖和。散其寒而補其虛。

則中氣治。太陰脾土。遂其初矣。故曰理中。○人身陽氣。有如天日。稍西則涼。涼極則寒。肅至矣。是故病在三陰。須以此湯為主。桂附丁砂。花椒烏梅歸芪。隨症增一二。無害。今人明欲理中。加上許多非類。費以收効得乎。○虻蟲乃濕土所化。非胃中固有之物。胃寒無容身之地。遂逐氣逆上而吐。胃冷則腐。或隨糞便下。自醫咸謂消食養藏之蟲。作丸作散。安保不已。為之噴飯。○霍亂亦。有陽症。不可不辨。明用藥。○詩曰。理中參朮乾姜草。附桂丁芪出入好。惟有景岳理陰煎。草姜桂地歸仍妙。

理陰煎二

地黃 當歸 甘草 乾姜 肉桂

此理中湯之變方也。凡人真陰不足。或素多勞役。忽感天行赤熱。雖現火症。但便清惡寒。脈見沉小無力。便是假熱。速以姜草佐歸地肉桂。溫補陰分。托散表邪。不效再進。使陰氣漸充。則邪從肉散。赤熱自退。若以寒苦攻之。病變決不能治。吾於此症。儘得領教。特表而出。以爲世警。

扶陽助胃湯三

人參 肉桂 附子 白朮 甘草 乾姜 檳皮  
吳茱萸 芍藥 益母仁 草豆蔻 濕紙厚包煨不



可去油。

客寒犯胃。胃腕當心而痛。目無所見。脈來沉遲。主此方。胃戊土也。乙肝竅通於目。邪在胃中。土木爭勝。不見因。理也。脈來沉遲。客寒可知。故用附子、乾姜、肉桂、吳茱萸、蘇、益智、辛熱之物以扶陽。邪氣既實。正氣必虛。故用人參、白朮、甘草。甘溫之品以助胃。其橘皮、芍藥。非取其酸辛。一瀉土中之木。一利腹中之氣歟。虛腫如球。別無病。苦服此亦効。○詩曰。桂附理中。加芍藥。吳茱萸。陳橘。殼。再益智。仁。草。蔻。煎。客寒犯胃。咸除却。

九轉丹回 一名硫磺挺生丸

硫磺十兩 故芷四兩 白朮五兩 胡巴鹽酒炒

附子三兩 小茴 肉豆蔻蒸熟 不可去油 一兩五錢

木香一兩 沉香一兩五錢 白胡椒五錢蒸過

丁香二兩 山藥打爛為丸

凡人之身。有真火焉。寄於命門。會於肝。出入於艮坤。所以溫百骸。養藏府。皆此火也。此火一息。則肉衰而瘠。血衰而枯。骨衰而齒落。筋衰而肢倦。氣衰而音微矣。硫磺火之精也。倍用之。能驅邪歸正。挺接元陽。經曰。陽玉則陰生。一舉而陰陽兩得之也。但其性熱而不燥。得附子白椒之辛烈。則上行下効。提如影響。乃所以發生。以故

火盛自生土。白朮丁香山藥以助之。土盛恐制水。胡巴  
故芷豆蔻以養之。其沉香木小茴三香。氣升味降。非惟堅  
腎益脾。同寅協理。併假藥爲介紹。引火歸經。不致孤陰  
困守耳。陽氣暴絕。目盲。慢驚。上視。陰厥。直視。厥陰。頭痛。  
痰暈。目暗。暨一切冷勞。陽痿。小便頻數。小腹冷痛。奔豚。  
風痺。連年不愈。痰癰。吐瀉不止。寒積不消。胸膈飽悶。大  
病後腫脹。脫氣脫血等症。救急扶危。其功十倍。人參。若  
人。強力入房。因而骨極。腰脊痠削。不欲行動。是丸雖似  
對症。一粒不可輕投。所以然者。水虧火益盛。又以硫磺  
濟之。腎精消燦耳。市醫用以殺人。羣喙幾爲毒藥。得毋

遇此類也。呵呵。

硫磺取極細極黃碎如米者。置廣銅內。爐炭焙化。用桑枝不住手攪。預備陳米醋若干。豆漿水一盆。如烟濃欲熄。急以醋沃之。復銚復攪。極清。傾入磁盆。俟冷再打碎。銚攪如前。至九次。則丹成矣。故謂之九轉。泉水漂十餘日。去火毒。澄新黃泥水。及菜豆甘草片。煮一晝夜。淘淨晒乾。○肉豆蔻與丁香肉桂大同小異。其性味妙在香油。麩裏煨。或水潤濕飯上蒸二二食可矣。市醫紙包火煨。千百不休。香味頓失。至有以苞粟子炒碾粉。漬其油。偽貨人者。可笑可恨。○此丸原

名挺生。諸書無有。不知始自誰氏。今江閩盛行。向人  
乞得其方。按法精製。對症者與服皆効。但元方硫磺  
一斤。以覺過多。減去六兩。又每進此。大便洩無了局。  
增入肉豆蔻白椒二味。由一錢至五錢。久之腸胃道  
然。精力倍勝。真神品也。備註以前其傳。○詩曰。挺生  
不獨擅硫磺。妙附丁沈木。木香椒蔻。胡椒巴小。茜藥骨  
脂。既補壽。瀾長。

春陽回令丸五  
參湯下。如春。龍眼湯亦好。

枸杞一斤 補骨脂八兩 白朮四兩 胡椒二兩  
丸蒸晒極純爲妙

春陽指木政而言。回令。回其生發之令也。夫木得水則榮。失水則枯。氣滿則榮。血失則枯。榮則引風。枯則惹火。動之如雷。電發之如風雨。獨出獨入。無敢禁禦。五藏之最難得其平者。莫肝若也。故屬肝之病居多。而治肝之法。極博焉。若乃血脫洞洩。因成陰風。暴盲。此脾腎肝虛。極藏中陽氣下陷所致。是方枸杞子味甘質潤。濡血者也。補骨脂色黑氣腐。煖水者也。水以生之。血以養之。木榮弗枯耳。胡椒之辛熱。以回陽。白朮之辛溫。以補土。陽回則花葉自繁。土厚而根幹始勁。用人參者。洪鈞一氣無地不周。所謂一息不運。則機緘窮。一毫不續。則霄壤。

判使其木令回春。土火金水次第而生。生矣。或者不達此理。見其血竭而主以純陰之四物。切恐天地否塞。萬物不生。億其精耗而進以壯水之六味。不免懷山襄陵。水泛木浮。故曰四物六味。有時禁弗與者。蓋此類也。余撰茲丸。敢謂救今人之失實。所以補古方所不及。高明之士。幸教我焉。○詩曰。杞木補骨脂。參朮回春令。會得暴盲人。誠求樂施應。

白通湯六

乾姜一兩 附子 葱白 去蔥入甘草卽四逆湯。

少陰下利。目暴盲。兩手脈俱沉。瀉此方主之。○少陰腎

冬令也。主天地閉。蒸寒邪客之。則陰道不固而下利。利下陽氣暗洩。故脈沉濡。目盲。乃用葱白以通陽氣。乾姜附子以散陰寒。寒散陽復。通者塞而塞者通矣。可即葱而各自通。○向治某甲投此湯利不止。漸厥逆無脈。乾嘔而噎。或據傷寒論云。此寒盛格陽。不能下達。少陰反逆亂於上故也。須加人尿。猪胆汁以導之。切忌暴育。係腎陽虛極。方悔用葱過表。更與大寒。奇苦之尿。胆則落井下石。所謂不死於病死於藥矣。乃以柿蒂丁香乾姜濃煎一大杯。下咽。逆即止。隨進八物回生。飲五六劑。身溫脈續。而目亦能視。可見印板書在人活。印板



方其可死用乎哉。又太陰自利不渴。陰症脈沉身痛。與夫厥逆不利。脈不至。用四逆湯煎成涼服。吳註太陰主水穀。內有真寒。故自利不渴。陰症舉三陰而言。病在裏。故脈沉。裏寒則血脈凝滯。不能宣布手足。故身痛四肢厥逆。脈不至而下利。經曰寒淫於內。治以甘熱。故用炙甘草。姜附申發陽氣。又必涼服者。經曰治寒以熱。涼而行之是也。否則戴陽者。反增上燥。口目耳鼻皆血甚矣。藥之難用如此。○按姜辛溫無毒。不特散寒。兼能通神明去穢惡。故聖人日食不徹。甘草固敦厚和平。寒熱皆理。藥師目爲國老。四逆湯除此。只附子一味。附性雖熱。姜加

烈如陰症。厥逆自利。脈不至。再甚。熱品補劑。煎成急進。無害。何必涼服。鶴舉曾註內經。顧如是。饒舌。市醫幾人。明達。果見面紅七竅流血。決謂此屬假寒。悞投姜附。而致定。改用知柏四物。或六味地黃。下咽隨覺。學者講論。至此。當起立敬聽。○詩曰。少陰利後。脈沉濡。兩目隨盲。白通治。白通姜附。加葱白。去葱入草。四逆為四逆。不醋。病或變溫。經九轉。可平施。

八物回生飲七

人參 黃芪 白朮 鹿茸 當歸 附子 乾姜

肉桂

陰陽兩虛寒邪直中。眩仆欲絕。喉無痰聲。身不淨熱。此方主之。○陰陽之在人身。互爲其根。不可須臾離也。陰盡則陽無所附而飛越。故眩仆。陽消則陰無所資而寒逆。乃欲絕。過不在痰。焉有痰聲。病不因感。那得體熱。回陽須人參黃芪。還陰必當歸鹿茸。安胃散寒。不外朮附。溫經攝血。豈遺姜桂。○此症俗呼脫陽。一名陰厥。責以房勞致病。用附子理中。不効則術窮。不知卽謂房勞。固其精血。敗壞方見是狀。徒益其陽。寒雖能去。則陰不愈銷。燥爾不塵。主此八物。雖有神契。故諺曰。回生本方除歸茸。名黃芪湯。治肺勞氣虛。陰萎爲瘵亦佳。○詩曰。回

生八物。姜桂黃芪。鹿茸參朮。附子當歸。

人參復脈湯八

人參 麥冬 阿膠 黑芝蔴 肉桂 地黃

甘草 姜棗和煎

氣血虛衰。真元不能繼續。脈止心悸。目昏不自安。用參  
草大棗者。補可去弱。用生姜肉桂者。溢則生陽。阿膠黑  
麻。所以滋陰續絕。地黃麥冬。所以寧神正視。○詩曰人  
參復脈湯。支桂懷地黃。麻麥阿膠草。煎還佐棗姜。

真武湯九

附子 白朮 茯苓 芍藥 生姜

勝光陽虛不能運行水氣致氣滯內結骨節盡痛或汗  
 出而邪不散仍發熱及濕勝水穀不別則水上凌過心  
 肺頭眩目瞶真武湯主之蓋白朮茯苓厚坤土而制坎  
 邪附子生姜壯實火而逐虛寒芍藥之用亦經濕淫所  
 勝性以酸平爾○詩曰真武湯木苓附芍藥姜煖水土  
 按真武北方水神以柔能治水怪故名此漢人佞佛結  
 習不必稽究但議取乎斯須地黃阿膠菴蓉天冬等陰  
 中陰藥類藥處方顧以火土純陽之物相勝相敵殊覺  
 舛謬且疑少陰病肢體骨節疼痛必當歸內桂和陰行  
 血其痛方除豈可芍藥酸平太陽病汗出不散脈緩沉

自利。加人參五味。收。益衛水濕自化。茯苓決難淡。王晉三謂此用崇土。水法則真武元是土神非水也。又曰命名雖因崇土。賴陽氣出化。則又似火神矣。強解胡謔。可為噴飯。

### 小建中湯十

肉桂 甘草 生薑 芍藥 大棗 飴糖

腹中急痛。左脈沉。右脈弦。此方主之。○邪氣入裏。與正相搏。則腹痛急甚。脈弦者血滯。弦者木剋土也。故用芍藥之酸。於土中瀉木。肉桂之香。於脾中行血。脾急欲緩。飴糖。麥草之純甘。以緩之。中寒須溫。生薑大棗之辛甘。

以溫之曰建中者。脾居四藏之中。得此症。必此湯。脾氣始建。嘔家雖腹痛不用。爲其甘也。然只在飴糖一味耳。今人用是湯。絕不言及飴糖。未窺仲景之奧。

大建中湯十一

蜀椒 乾姜 人參 飴糖

頭風痛不敢觸。服攻散之劑加甚者。與此方。○陽氣藏於土木。會於頭。陽虛適風邪中之。故發痛。候攻與散。陰寒之氣復逆而上衝。故轉甚而不可觸。近乃用椒姜之辛熱。遂冷散逆。參糖之甘溫。回陽補土。則中氣大建。而風痛頓除。

十四味建中湯十一二

十全大補加麥冬菴藜半夏附子

汗吐下後中氣虛乏。真元無所附麗。再形為事勞。精聽  
慾役。則無根之火。一激而上。隱隱發為目痛。或臉胞浮  
脹。以參芪炙草當歸補虛。而和中。桂附芫藜芍藥助陽  
以祛邪。不効。加地黃麥冬菴藜。清其燥。白朮茯苓半夏  
除其濕。所謂中營之幟。一建。而失伍之偏。一一各就其  
列。不終日而目寧矣。或謂以參芪桂附建中。理中等治  
日。法之變者也。醫未至。通權達變。與不知斷何異。知言  
哉。詩曰。建中妙。伯糖。甘桂姜芍。棗參。椒易桂芍。大建



方亦好。十全加推棗。附夏麥門冬。刻各十四味。症治與  
而同。

治中宣化丸十三  
六神麴取淨粉蒸熟搗碎為  
丸。菜豆大。金箔衣。

神金 雄精四錢 乳香 硃砂三錢 沒藥

木香 沉香二錢 巴豆去淨油一錢

小兒沉疴冷積。此方主之。積者能食不消。神則兼病  
而言。再沉且冷。則藏府則從熱。是故積不行。則腸結  
而腹脹。神不舒。則火灼。而肌瘦。為疳為癆。相因而起。右  
方硃砂雄黃。清火毒也。沉香沒藥。蘇氣血也。神金巴豆。

解其堅凝。木香沈麩引其吐納。金箔之風乃所以鎮邪耳。治中宣化各不虛傳。○詩曰治中宣化推鬱金。巴豆雄黃木與沉。乳沒硃砂功不減。再裏金麩病無侵。

四神九十四 大棗百枚去核 生薑八兩切片同  
炆爛 揀去姜爲丸

故芷四兩 五味子三兩 肉苳蔻二兩麩粉裏煨

吳茱萸一兩開水泡去烈性

脾腎虛損。泄不已。因而近視。此方神良。○脾主水穀。既虛不能健運。腎司開闔。已損應難秘。因故子前午後腹無痛而泄。泄傷則陽火下陷。而目能近。遠苳蔻辛溫。

而泄。溫能益脾。泄則止瀉。故並辛溫而苦。辛能散邪。苦則堅腎。脾腎之陽不滅。遠近一皆明照。五味本酸收。得姜性直資腎水。吳黃徒辛散。有棗和特益命門。腎命之氣。交通水穀。自然尅化。○詩曰。吳黃破故並。豈慈五味子。姜炊棗肉丸。四神靈在是。

冲和養胃湯十五

人參 白朮 黃芪 當歸 橘皮 附子 丁香

砂仁 枸杞 甘草

久病胃虛。食少作嘔。或惡心。瞼脹。婦人及月頭眩。此方主之。○胃者水穀之海。強則善穀。弱則開穀而嘔。加以

惡心。噦。脹。值月。頭眩。不問病久病新。都作虛論。今用八  
參。白朮。黃芪。甘草。氣味甘溫。以益之。橘皮。附子。丁香。砂  
仁。氣味辛利。以和之。當歸。枸杞。陰中益陽。陽中滋陰。以  
助之。前症寧有不除。○詩曰。沖和參。草朮養胃。了砂橘  
再附。黃真歸杞。人無目疾。

吳 黃湯十六 人參 生姜 大棗

厥陰頭。痛。嘔吐沫。此方主之。○厥陰脈挾胃。寒氣內  
格。故乾嘔吐沫。厥陰與督脈會於巔。引寒上逆。故頭痛。  
萊萸辛熱。味厚下走。能溫少陰。厥陰。佐以生姜。散其寒  
也。佐以參棗。補其虛也。且厥陰經絡。又環陰器。如寒疝

腰痠牽引。羣丸。厥沉遲。加附子等分煎。涼服一方。以吳  
黃乾姜等分爲丸。參湯下。義同。○詩曰。吳黃參棗。姜爲  
湯。陰邪降。四逆草姜附。寒毒中無妨。

### 四逆湯十七

乾姜

附子開水炮去鹽剉片煎

甘草

此因病而名方。其症寒中陰厥。脈遲小。或沉濡中見數。  
身倦不熱。或有微熱不渴。懶言動。當急溫之。遲則不救。  
蓋本人胃氣大虛。膚腠疎。外受風邪。內食生冷。其疾  
卽發。非若傷寒循經傳裏之緩也。故不問內外因。總以  
炙草姜附爲主。有轉自利者。頭痛者。隨時增益。逆還爲

順亦未可知。○風寒傳入厥陰症如上。服上藥不效。服  
反暴發。及婦女經行不利。須桂枝細辛以溫表。歸芍甘  
草以調裏。通草通陰陽。大棗和榮衛。立瘳。若人素有內  
寒。不問傳中。因逆合用無害。

### 溫經益元散十八

人參 黃芪 白朮 枸杞 當歸 鹿茸 棗仁

肉桂各等分 附子 丁香減半 姜酒調

損虛成瘳。陰瘳為寒。眩惕暴盲。此方主之。○寒陰氣也。  
寒中陽經。猶能抗陰。其病易愈。寒中陰經。而陰相遇。如  
膠投漆。故病太陰少陰。必重且危。病厥陰者死。今日損

虛曰陰。陰則非外因而作。蓋工賈之人。日既勞役。汗盡津亡。夜復花酒。髓枯血竭。慄慄啞病。瘦減腰纏。尤自風。冷水宿。凍餒交并。致藏氣蕭索。陰寒驟起。血得寒而凝。結寒遇凝而深入。似瘧非厥。眩惕失明。不用桂附歸杞。棗仁姜汁溫其經。參芪朮茸丁香醇酒益其元。身雖健。在瞳子其不與歟。○詩曰。濕經參芪朮。元益歸杞茸。丁桂棗仁附。陰寒力自窮。

菊花茶調散十九  
新菊花。烹兩前茶。尤妙。

人參  
黃芪  
當歸  
殭蠶  
肉桂  
甘草一兩

附子  
乾姜  
芫藶  
五味  
天麻  
白附七錢

細辛 防風 薄荷五錢

頭風時痛時止。散表無汗。反甚。此方主之。○外感頭痛。手不可近。多實邪。今作止無時。喜打喜熱。爲內傷。既表無汗。元氣大虛。從外從實而治。安不加甚。故以參茺附草。姜助其陽。羌歸五味。桂調其陰。陰陽和。則天麻細辛。諸風藥。可行升散之令矣。再有菊茶。清芬上行。以爲引導。是蓋痛風之勁敵也。於以承襲。無凶不服。○詩曰。草參細味。勝歸茺。姜桂羌。防附亦輸。唯有薄荷及白附。天慧微物。畧相如。



醋刺吸。隨瘰癧。投之。廁中。民命頓甦。藥攻方。

通氣利中九一

大黃二兩五錢 滑石 牽牛一兩五錢 白木兩

羌活五錢 黃芩 白芷八錢

氣滯者不通。中實者不利。不有以治之。則亢陽上騰。書目之前。驅也。乃以白芷羌活辛利諸節。行其滯。黃芩滑石。寒勝諸熱。去其實。大黃牽牛苦瀉。二便利。其中亦逆攻之法。益猛烈藥也。雖有白木和胃。中病而仍。服恐上。履將傾。非一木所能支矣。一方用白牽牛末一兩四。制香附子五錢。甘草二錢。米糊丸。其病虛實。下以錢數。

一切積聚得之隨去。且藥甚平易。而又不損元氣。功在  
利中承氣之上。一方制大黃生白牽牛末各等分。蔥白  
仁粉皂角濃煎汁調。蒸熟杵為丸。亦佳。○詩曰。芩炆大  
黃。其發聲。牽牛南過滑家亭。笑羗活為杯中物。種木頻  
年兩莖生。

### 大柴胡湯二

柴胡 半夏 大黃 枳實 黃芩 芍藥 姜棗  
煎

陽邪內傳。表症未除。裏症又急。此方主之。○表症未除  
者。寒熱往來。脇痛。口苦尚在也。故用柴胡半夏生薑大

康以解之。裏症又急者，大便結而解難也。故用大黃、枳實、黃芩、芍藥以攻之。○詩曰：大柴胡、芍藥、白芍藥、在黃半夏、小枳殼、表邪未罷，裏邪催，度量煎，傾病合却。

調胃承氣湯三

大黃 芒硝 甘草

內瀉腫痛，大便秘，謔語，脈長，大有力，頭痛，巨陽穴及不惡寒，反惡熱，齒痛作渴，此正陽明邪實之症，始得應發。汗失治而傳土，其總則熱，因數日矣，不下病必變，硝黃大寒，可以湯貫，炙甘草平，可以和中，湯藥性行，則胃調，而表氣承順，故曰調胃承氣，亦治陽症中消，善食而溲。

總之汗無太晚。晚則致得上症。下無太早。早則多有結胸。燕氣之患。

小承氣湯四

大黃 厚朴 枳實

目赤腫胸脹。微潮熱。狂言而喘。此方主之。○陽邪在上。則目腫胸滯。在中則脹。乘心則狂。溢於胃口則喘。胃實則潮熱。潮者猶江海之潮。其來不失時也。枳朴去上膈痞滿。大黃蕩胃中實熱。疾消熱退。則正氣得舒。陽邪自然承服。前症雖逆亦順。故曰小承氣。有中風邪氣作實。二便不通。機要加羌活。更等其分。名三化湯。益承氣能。

治實邪加羌活不忘乎風也。服後大小便微行。上中下無所阻塞而復其傳化之職。故曰三化。凡久風變熱病。實形實者皆爲對症。必曰中風多氣虛上逆。無用承氣之理。固矣哉。

大承氣湯五 前方加芒硝

調胃承氣不與枳實者以其不作燥瀉。如用恐傷上膈。氣血之元氣也。小承氣不與芒硝者以其實而未堅。如用恐傷下膈。汗漫之真陰也。今三部痞滿燥實堅全見。非重大之劑。急下以承制其邪。則真陰盡爲亢陽所劫。症其危矣。然下多亡陰。故仲景曰欲行大承氣先與小

承氣又曰陽明病應發汗醫反下之此爲大逆不思補和救逆漫謂傷寒失表處散方與服脈愈滑數至不可爲乃已深造之士旣常戒懼於此尤宜加謹○詩曰調胃承氣硝黃草大黃枳朴承氣小二方相合名大承不開甘草防中撓。

十棗湯六

芫花 大戟 甘遂 大棗

熱邪內蓄而有伏飲致頭痛項強者此方主之○病人內熱必渴渴則必引飲飲多氣弱不能施化因而凝滯發爲頭痛項強或乾嘔汗液濺出不須攻表但宜透飲

飲醬則安。羌花之辛能散飲，大戟之苦能泄水。甘遂直達水飲所結之處。三物皆峻利，故用大棗以益土。此戎衣之後而發鉅橋粟之意也。然非壯實人未可輕與。

三花神祐丸。七。酒水爲丸。由少至多。快利則止。  
甘遂 大戟 羌花兩半 白牽牛二兩 大黃兩  
輕粉一錢

肢體麻痺，尤注疼痛，或腫滿翻胃，此積寒鬱熱氣血壅塞，不得宣通，以平劑調理，則經年不效。故集六物峻厲之品下之，此守真治火之長技也。然曰三花神祐，恐今人無古人之福，關地河間之厚，雖有好漢，不敢拜領一

二神將焉補丹。溪加黃柏各小胃丹。自註小者消也。只怕滑得乾淨外。如子和木香。檳榔丸之類。各爲化滯實伸足也。伸則不可復屈。故未敢錄其方。

舟車丸。前方加青皮。橘皮。木香各一兩。酒。水。兩目腫滿。徐徐身亦浮大。知病體兩實。此方主之。口暈。可以去壅欲通之利。無過前方。幸可以行滯欲行之速。更須加味。酒水下咽之後。水陸俱行。上下左右無所不至。故曰舟車。○詩曰。芫花大戟。借甘遂。十棗煎。投事乃濟。牽牛。大黃。輕粉。增三花。神船。名堪味。再入木香。青陳皮。舟車。競逐疾。徐去。



清毒逐瘀湯九

天冬 麥冬 黃連 黃芩 木通 車前子

懷牛膝 紅花 蘇木 紫草 蒲黃 丹皮

槐花 生地黃 甘草梢

瘀血滯睛此方主之。○血行於氣。無地不周。無形可見。曰瘀。火邪上逆。明現於外。而不散。曰滯睛。故以天冬、麥冬、黃連、黃芩、車前子、牛膝、木通、甘草清其毒。毒清則氣。治以紅花、蘇木、紫草、蒲黃、槐花、生地、丹皮逐其瘀。瘀逐。血得氣。血周行。睛平如故。然虛人須量情增減。毋。詩曰：天麥門蘇槐地丹皮紫草紅花聚。牛車載通甘草蒲。

目醫大成 卷之三 不續政方 九

州恰好連苓開藥市

麥煎散十

鱉甲 生地 大黃 柴胡 常山 當歸 赤苓  
乾漆 石羔一兩 白朮 甘草 小麥五錢  
有汗加麻黃根一兩

此治留而積。積而勞之方也。少男狎其女而莫能通。則有留精。室女親其男而不敢亂。則有留血。婦婦餓夫有所遇。未免目成念動。止乎禮而情奪。則有留痰。留之云者。蓋慾火方熾。精血已離其位。忍而轉逆。停於經脈關隘之區。氣至此阻。而不行。則積陽為熱。令人蒸蒸骨熱。

血至此行而滿滯則積陰爲疰。令人四肢攻疰。俗名疰  
思病。鱉甲乾漆。破堅物也。所以能逐精血之留。柴胡石  
羔。解肌劑也。所以能散幽結之積。且男女精血既分失  
魄。心神蕭索矣。赤芍導而常山閉。歸竊相思。經久成勞。  
清濁凝矣。小麥升而大黃降。生地當歸生新血也。白  
朮甘草致新氣也。麻黃根之加。乃以其形中閉爲止汗  
之神品耳。肌熱盜汗。目瞶脈實而澀。及男女交合。精將  
洩而忽住。怛怛怏怏。蘊成精濁。白帶。翹月。經年不愈。不  
減服此亦間有效。○詩曰。常山鱉甲黑如漆。大地袂令  
堅。若石白朮甘草采歸來。柴麥煎投去勞積。

抵當湯十一

水蛭炒 蠶蟲炒各三十枚 製大黃二兩

桃仁去皮炒一兩

蓄血內實。熱上攻。脹急。治其標。非此湯不能抵當。分而  
言之。經曰。鹹走血。腐勝焦。水蛭蠶蟲之鹹腐。所以祛血  
瘀滑去。著苦降火。桃仁大黃之苦滑。所以利血熱。又抵  
者至也。蓄血死陰之屬。無情草木。安能運行生氣。務必  
以靈動嗜血之蟲。飛者走陽經。潛者達陰絡。引領桃仁  
攻血瘀。大黃下血熱。誠至當不易之良也。故名。

通幽九十二

地黃 大黃 當歸 紅花 麻仁 郁李仁

桃仁五錢 荆芥穗 赤芍藥三錢

腸結睛痛此方主之。○腸結便秘而堅。蓋血燥也。今日睛痛則久燥變熱。風欲動矣。燥者潤之。歸地三仁潤物也。熱者寒之。大黃紅花寒物也。少入荆芍者。正防其風為厲耳。○詩曰。蝨蛭桃黃湯異樣。對症理宜無抵當。通幽當歸熟地將。仍用桃仁製大黃。麻仁郁李荆穗芍。因性相從九合作。製黃一味力相俾。利中還有白牽牛。

療疾九十三

大黃八兩 芍藥四兩 大元地 甘草三兩

三經入茂 下彙攻方 三

黃芩 乾漆 桃仁 杏仁二兩 蟾蜍 蠱蟲

水蛭 麝蟲半斤

五勞病極。內有乾血。致肌膚甲錯。兩目黑暗。此方主之。  
吳鶴臯曰。濁陰不降。則清陽不升。天地之道也。小人不  
進。則君子不進。家國之道也。乾血不去。則新血不生。人  
身之道也。乾漆。桃仁。蠱蟲。水蛭。蟾蜍。麝蟲。去血之品。君  
以。大黃。是聽令於將軍矣。乃芩為地黃。去車火而存杯  
水。杏仁。甘草。澤焦土而培枯木。仲景為醫方宗匠。良有  
特識。今世一遇勞傷。羸瘦。用滋陰清熱不愈。則坐以待  
斃。嗚呼。術豈止於此耶。○詩曰。腐草蟣蟣。水田蛭。麝蟲。

產蟲乾地漆。大黃芩芍杏桃仁。法製蜜丸。療瘰疾。

滾痰丸十四 紫蘇子白芥子萊菔子煎濃汁和

蜜丸

大黃四兩 黃芩二兩 礞石硝煮飛一兩

沉香五錢

實熱老痰見諸怪症。此方主之。○痰之實也。由於氣。氣動則痰行。故用沉香三子以降氣。痰之老也。由於火。火盛則痰結。故用礞石二黃以瀉火。○詩曰滾痰丸。大黃芩。金礞石。淘南沉。

梔子鼓湯十五

梔子仁 豆豉倍用 或加乾姜少許

表證未退，醫早下之，陽邪乘虛入裏，固結不能散，煩熱懊懣，更以陷胸湯繼投，愈虛其虛，病不起爾。梔豉靖虛煩，客熱服而探吐，俾誤下表邪一湧而出，去邪存正，此爲上策。加姜者，既誤必損胃之意，若未經下，煩悶及多痰頭痛，以赤小豆苦瓜蒂爲散，主之。蓋苦能湧泄，瓜蒂苦物也，燥可去濕，赤小豆燥物也。夫病未經下，元氣雖虛，未損，頭痛挾痰，又似實症，故用二物在上，吐而奪之，誠爲快利。今人唯知汗下而吐法，全不能講究，何哉。丹溪曰：吐中就發散之義，戴人亦謂吐法兼汗，鏡雖不



敏請事斯語矣。○燒鹽調熱童便。本治霍亂攪腸。愚以  
治傷食臉腫。痛連胸膈。三飲而三吐之。亦効。所謂死方  
活用。全者多矣。

竇胆導法十六 一方量用草麻子。生大黃。生豬  
膏。搗捏長條。導入肛門內。効尤捷。

竇二合煎極稠。捏如指。蘇皂角末少許。乘熱納入。敷  
道。病人以手緊抱。勿令出。頃當便。豬胆一枚。入醋些  
子。用竹管深深灌入。廣腸亦妙。

陽明症自汗。小便利。大便秘者。竇胆導之。此仲景原文。  
任註。胃實自汗。小便復利。此津液內竭。非熱結也。若與

下藥則液愈耗矣。宜用外導之法。按是方只大腹不行。別無所苦。及虛羸人燥秘。人病人欲下不敢下。蓋前用湯角能通竅。胆寒情熱。醋酸致液迎而奪之。於法尤合。若云胃實。應有痞滿潮渴等症。陽明自汗。決爲內熱。逼出汗亡津液。小便安得反利。立言似此。作述均失之矣。大匠以爲如何。

接肝法十七

姜蔥各半斤。煎湯一斛。如後法蒸之。

朔方嚴寒之地。汗不易得。及腠理閉密之人。得汗無多。皆可間行此法。蓋姜蔥能通腠理。作湯以蒸之。則表易

泄瀉諸克敵乃外合之兵也。如汗出不止。速碾生龍骨。煨牡蠣。雜蕎麥或糯米粉撲之。蓋四物精膩而澀。可以固脫云。○傷寒自汗不止。亦宜行此法。

### 倒倉法十八

取肥嫩黃牝牛。結肉二十斤。長流水煮糜爛。新布濾去渣。將淨汁慢火熬。晷糊如琥珀色。為度。令病人先一日斷肉茹淡。勿飽晚膳。於明亮無風宿室坐定。以湯飲一杯。少停。又飲一杯。備穢桶五盆。貯吐下之物。一磁餅盛所出之瀉。病在上者。欲其吐。多須急進。病在中下者。欲其下。多須緩進。全在活法。審量。視出物

自來水  
卷之二十三  
淨盡乃止。行後必渴，不得與茶水，卽以所盛之盃，卽之備倦息覺飢，先與淡稀粥，次進菜羹，以雞羊將息。一二月，自然精神煥發，沉疴悉去矣。

積聚癥瘕。此法行之。○積以味言，膏粱致之也。聚以氣言，憂思致之也。積厚聚久，則阻碍氣血，乃無情而化有情。離形而自成形，爲癥爲瘕，棲於腸胃曲折之處。所謂鼓掌成聲，擊石出火，二物相合，象在其間，曾謂錄兩丸散，可能破其離離，兩枝充滿融和，無處不到，到則必利。譬如雪消水來，浮沙沉木，順流而下，無物或逐味盤，而欲復營窠，白勢無及矣。丹砂白朮，坤土也。以膠爲

德而法健為功者。此之用也。又曰。全在伏瀨上妙。非惟止渴兼瀦餘垢。深洞此法之奧。至云。其方得於西域異人。中年後行一二次。却疾延年。說在那里去了。

分珠散十九 四物湯調服

槐花 蒲黃 丹皮 丹參 紅花 蘇木

紫草一兩 乳香 沒藥 血竭 硃砂 靈砂五錢

瘀血赤脈貫睛。血障努肉包睛。此方主之。○血生於心。藏於肝。上騰於目系。故肉膜脈麓而色赤。痛則熱。實。瘰。則風虛脈弦而數。則熱盛生風。倘多眩與氣輪紅紫。此心火乘金。兩臉赤勝爛存痒。此風木侮土。法當一體血。

分之藥。且散且逐。載鎖載和。自爾血勢少沮。而障脈潛銷。或加刀烙外治。日久睛光熠耀。黑白分明。故曰分珠。詩曰。從來血脈貫睛珠。沒藥硃靈搗力除。紫草膏。槐花末乳。丹參皮用亦相如。

邪客肌表。急逐勿失。因循日久。勢必深入。藥散方。

勝風湯一

柴胡 黃芩 白朮 荆芥 枳殼 芍藥 枳椇

白芷 甘草 羌活 前胡 獨活 薄荷 防風

風熱不制。此方主之。○風虛象也。久風不散。勢必變熱。病則實矣。益以外邪。熱復轉風。乃頭痛鼻塞。目腫泪多。暨臍顛沉重。眉骨疼痛。緊不服藥。或悞服。又傷脾胃。風固不止。而熱愈。莫能制。則將墮。瞼痒爛等症生焉。是故以木枳椇。草枳椇。疏其土。俾肺金有權。乃足以平木。羌獨活。柴前胡等散其風。使心火弗熾。乃不上蒸。溽曰勝風。

者風剛勁。以此湯投之。勝於風矣。○詩曰。柴前胡復鬼。獨活芩藜白芷荆防藹。要知木草根枯苓亦是勝風湯。裏藥。

琥珀鎮驚二 白礬炮水合生姜自然汁酒爲丸  
小豆大每服十九至二十九看効

牛胆南星二兩 丹砂 牛黃 全蠍一兩 黃連

犀角六錢 防風 薄荷四錢 青黛 珍珠

琥珀三錢 麝香 冰片二錢

諸風熱壅痰涎上溢發顛多喜濕土益濕生痰痰生風風生熱也若徒散風而不清熱徒清熱而不豁痰則眼



斜頭痛何由而去。是方以牛胆南星爲君。佐以丹砂牛  
黃。藥蠟可鎮其風。痰黃連犀角爲臣。佐以珠珀青黛。可  
祛其痰。然防風薄荷風藥。卒使佐以水麝。生薑無地不  
到。可祛其風濕。治前症外。凡有腫額。板痛不可忍。及指  
臂不仁。此風機先兆。急進以收其威。○詩曰。犀牛角  
胆南星。可並珠珀靈。新得唇珠眉黛子。蠟風連蕩  
不須驚。

獨活寄生湯三

獨活 桑寄生 當歸 地黃 杜仲 續斷  
牛膝 黃芪 人參 白朮 鹿茸 虎骨 羊羔炙

酥各等分 秦艽 防風 細辛 羌活 茯苓

甘草 肉桂減半

肝腎虛極風寒濕三氣內攻腰膝痛楚手足冷痺此方  
主之。○肝筋腎骨屈伸之端任也。今而虛極故三氣湊  
之。腰膝手足痛痺不便。右方獨活細辛秦艽防風疏風  
藥也。借寄生續斷兼養氣而能祛濕。杜仲牛膝虎骨鹿  
茸強健藥也。入十全大補兼益精而能禦寒。凡氣凝滯  
肢體不仁及口眼相邀並宜準此。○詩曰秦仲獨活寄  
桑生。細餐桂朮草芎苓無防虎鹿人牛。獨活續者仙縮  
地能。

升陽除濕湯四

羌活 防風 蔓荊 白芷 芍藥 蒼朮 天麻

白附 人參 黃芪 當歸 姜棗煎

風濕相搏，頭痛如破，或兩臉腫滿，脈浮緩無力，此方主之。○風，天氣也。濕，地氣也。經曰：濕上甚為熱，則陰逐陽矣。故相搏而頭痛，臉脹，法當涼降處方。然脈浮緩，表之則易下之，則難脈按無力，溫之為是，涼之為非。乃川羌防，疏風之品，和以芍歸，驅濕從汗散。蒼麻，姜附，燥濕之物，監以參芪，使風從氣化。○詩曰：風濕莫浪用羌防。蔓芷，芍麻，白附，蒼，補恐黃芪參不便。當監南棗，對生姜。

地黄飲子五

地黄 巴戟天 山茱萸 肉苁蓉 麥冬 五味

附子 肉桂 茯苓 遠志 石斛 石菖蒲或加

人參當歸稀莖草

風痺風痺。此方主之。○風痺舌強。詭澀。足廢。少蹇。風痺。

即內經行痺痛痺之謂。蓋脾腎素虛。迎化水火不及。風

氣離合而成。治宜和藏府。通經絡。河間地黄飲子主之。

余考其方。地黄。巴戟天。山茱萸。肉苁蓉。麥冬。五味。滋水藥

也。水足可以制飛越之火。附子。肉桂。茯苓。遠志。石斛。苴

精。燻瀉藥也。濕去足以回厥逆之陽。再加入參補其氣。

當歸養其血。稀薺草兼驅風濕。進散劑稍減。更等分各一兩。以姜汁煮紅棗肉爲丸。盡料而瘳。瘳已矣。風濕洩外障。取法乎此。當亦有効。○詩曰。風靡靡。風靡靡。古方奇地。黃飲子桂附施石棗膏。蒲巴戟斛麥蓉。遠志五味齊。火生水中水生木。蒼草參歸加不須。

人參敗毒散六

人參 羌活 獨活 柴胡 前胡 芍藥 枳殼

桔梗 茯苓一兩 甘草五錢 虛者倍參 除羌活前

胡 風濕甚加金銀花 連翹 荆防

感冒時氣 目赤頭痛 壯熱憎寒 此方主之 ○風寒著濕

四氣。人感其一。便有前症。倘四氣互傳。則爲疫矣。法當  
汗以驅之。涼以平之。乃用羌獨柴前芎枳蒼桔。然邪實  
則元虛。藥雖外行。氣從中緩。輕者半出。不出。重者反乘  
藥勢。縮入。發熱無休。是必人參之大力。少佐甘草。奠安  
中正。使邪不敢爭。而退聽。再進一二劑。自爾元氣充滿。  
病根一湧而盡。故獨各其能。曰人參敗毒。俗醫謂傷寒  
無補法。戒去人參。得活甚少。凡饑荒兵火之餘。致患時  
眼。疫氣及發斑惡瘡者。治亦宜。

二木勝濕湯七

羌活 獨活 柴胡 前胡 芎藭 枳殼 茯苓

甘草 人參 白朮 蒼朮 澤瀉 防風 薄荷

蔓荊子

小兒善食易飢。小便如膏。不時下利。體或虛肥而黃。俗謂之肥疳。此方主之。○上症全不為父母姑息。餉以果餅。脯醢。肥甘滯膩之物。蓋本兒肌理疏。寒暑乘之。真元微。飲食耗之。父母以其純陽耶。深秋不為裳。父母以其孱弱耶。盛夏不解衣。既乳矣。恐飢虛。旋飽以飯。既飯矣。覺倦怠。強抱而睡。有獨母氏懶。惡者。微遂不護持。隄防客忤。母氏貧寡者。風雨不能庇。安問肉糜。甚而後。母媼母已無生。育愛。情或近人情。一有所出。則金石瓦礫。勢

筋骸痛。固其本分。稍不快意。怒遷夏楚。疾之甚於偷兒。  
父或痴愚而慵。若阿姑。若阿翁。當局無得聞言。又或昏  
庸而淫。憐其才。憐其貌。知情而不忍言。就使父幸則察。  
不得於勢。要定。畏其悍姑。可怒而不可言。再則幸而處  
庸。非經商久出。卽遊學遠方。不見不得盡言。而小兒天  
日無知。幽元不能自言。治之無術。誠食僕米。敢自言。此  
百般酸苦。外乘內傷。困循漸積。釀而成疴也。注當伏地。  
曰清陽發。腠理。步。防。薄。葉。葉。而。胡。羌。獨。活。且。散。且。升。對  
陰。出。下。竅。參。草。二。木。澤。瀉。枳。芩。載。平。載。道。進。五。六。劑。有  
効。除。羗。活。蒼。枳。前。胡。入。樽。金。使。君。子。歸。芍。服。十。餘。日。俾。



上下表裏各還其位。不反其常。入其殼也。而曰必得蟬  
蛻。蓋替等丸爲治。豈通論乎。○詩曰。羌獨活。柴前胡。枳  
殼芩苓。參草俱。澤瀉葛。防蒼白朮。肥疳風濕病。咸除敗  
毒。散卽前丸味。方中增減更詳推。

消風活血湯入

荆芥 蔓荊 丹參 白芷 蒲黃 桃仁 防風  
芩藜 紅花 芍藥 石斛 當歸 山慈菴  
土茯苓

目赤腫痛有障。歲月不痊。稍減亦痒。溼難耐。此方主之。  
赤痛腫障合見。蓋風熱流注元府。攻散不如法。徒虛其

體而邪愈深入。故久久不瘥。時痺時痛。是亦風熱不制之病也。右方芷蔓荆防。備紅花桃仁。可以疎風。亦可以去熱。風熱退。則痛痺自罷。芳歸芍。解得參。蒲山。振土。苓能行血。風更能理濕。熱燥熱除。而赤脈合消。雖然。上症男婦常見。經余治數閱月。而卒無能為者。市醫一症一方。自張旅鼓。遇此。決致雙盲。學者識之。毋忽。○詩曰。紅桃白芷蔽青瞳。參斛芳歸藥用工。荆蔓蕨蒲等化土。防風不出稍惺鬆。

省風湯丸

全蠍 半夏 防風 魁星 甘草 木香

生白附 生川烏

口眼喎斜。痰涎上湧。此方主之。○木必先枯也。而後風  
摧之人。必先虛也。而後風入之。氣虛之人。腠理不密。則  
外風易襲。血虛之人。肝木不平。則內風易作。是以臟虛  
中。臟腑虛中。腑脈絡虛。中脈絡中。臟多滯。九竅。故口喎  
失音。目眩。上視。大小便不通。中腑多著四肢。故半身不  
遂。手足不用。痰涎壅盛。喘聲如雷。中脈絡爲最輕。只口  
眼喎斜。流涎欲睡而已。此蓋風滿胸中。蒸其津液。結爲  
痰涎。上湧頭面。爰用防風白附全蠍川烏。以活經絡之  
風。痰而正口眼。胆星半夏甘草木香。以療胸次之風。痰

而開壅塞焉。脈後其風稍減。曰省風。若夫中腑者宜汗。從乎陽也。中臟者宜裏。從乎陰也。則又當集思廣謀。於各症各陣之方。而消息之。○詩曰省風湯。選全蠍。夏附川烏。胆星。列。草木。甘。香。鼓。胃。中。寧。防。風。壅。痰。凝。舉。

小續命湯十

麻黃 杏仁 人參 黃芩 芍藥 甘草  
防風 桂枝 附子 當歸 防已

古人以此方混淆中風。不無精義。蓋麻黃杏仁。麻黃湯也。仲景以治太陽症之傷風。如。此言之。則中風而有頭痛。身熱。以治太陽症之傷風。如此言之。則中風而有頭痛。身熱。

脊強者皆在所必用也。人參、白朮、四君子之二也。局方收以補氣，當歸、芍藥、四物湯之二也。局方揀以養血。如此言之，則中風而有氣虛、血虛者，固在所必需也。風淫末疾，佐以防風。濕淫腹疾，佐以防已。陰淫寒疾，附子佐之。陽淫熱疾，黃芩佐之。夫疾不單來，故使藥亦兼該也。然當依易老六經減增，尤爲穩便。藥行病去，性天自若。故呼爲小續命云。○詩曰：芳桂秋而苓草黃。藥爐歸製杏麻霜。遼人蒸已防風中。附子煎充續命湯。

大秦艽湯十一

秦艽 石羔 當歸 芍藥 羌活 防風 黃芩

生地 熟地 甘草 芫藟 白芷 白朮 茯苓

獨活 細辛

風邪散見不拘一經。故用蠲風散熱兼而治之。羌活理遊風。得防風可以去太陽肢節之風。疼獨活理伏風。協甘草可以療太陰表裏之風濕。三陽數變之風。責在細辛。秦芫三陰內淫之風。責在茯苓。白朮陽明之風。白芷驅之。厥陰之風。芫藟行之。風熱干乎氣。清以枯芩石羔。風熱干乎血。養以歸芍二地。若中風暴仆。痰响氣粗。此濁邪壅塞咽喉。先以稀涎散吐其痰沫。齒牙皂開閉。白礬去汚藥。只二味。固奪門之神帥也。然能進湯液便止。

不可過多。不觀凡病人。易費時。必有痰務欲盡逐而去。頃刻幾矣。○詩曰大秦芎藭獨防。芎芷辛芩二地黃。歸芍石羔苓草朮。風邪散見號逆方。

桂枝湯十二

桂枝 芍藥 生姜 大棗 甘草

頭痛發熱。惡風自汗。脈緩。太陽中風也。此方主之。○風之傷人也。頭先受之。故頭痛。風在表則表實。故發熱。風傷衛。故惡風。衛傷則津液無以固。故汗出。其脈緩者。衛氣不能鼓也。上體皆太陽症。故曰太陽中風。桂枝味辛。甘。經曰辛甘發散。乃所以治風。然恐渠走洩真氣。故用

芍藥之酸以收之。佐以甘草。姜棗散而兼和之意。若陽邪去表入裏。此投承氣之會。忌下急下。惟明者裁之。

麻黃湯十三

麻黃 桂枝 杏仁 甘草

太陽傷寒。頭痛發熱。徧身疼痛。不則惡寒。無汗。脈緊。此方主之。○足太陽經起目內眥。循頭背腰膂。故所過疼痛不利。寒邪外束。陽氣不能宣越。故發熱。邪在表。不復任寒。故惡寒。寒主閉腠。故無汗。寒氣剛勁。故脈緊。麻黃辛溫中空。能通腠理。而散寒邪。爲太陽無汗必用之藥。佐以桂枝。取其解肌。佐以杏仁。取其利氣。乃甘草者。甘



以緩之。不致汗出過多。經曰寒淫於內。治以甘熱。佐以苦辛。此方是已。風寒交作。筋急強直。無汗。惡風。名曰剛。痊合前方。除杏仁。入葛根。主之。

小青龍湯十四

桂枝 芍藥 甘草 麻黃 大棗 五味 半夏

細辛 乾姜

傷寒表不解。心下有水氣。乾嘔或咳。或喘。此方主之。○表不解者。頭痛發熱。身疼尚在也。發熱必渴。飲水過多。水形已散。水氣長存。格於心下。水寒射肺。故無物可吐。而但有聲。曰乾嘔。或咳。或喘。皆此故也。爰用麻黃。

桂枝甘草發其表邪。半夏細辛乾姜散其水氣。芍藥飲  
陰。五味收耗。名曰青龍。取東方木神。伏邪之義。又能興  
則雲升雨降。品物咸亨。

### 大青龍湯十五

卽桂枝麻黃湯加石膏而除芍藥也。夫桂枝主中風麻  
黃主傷寒。今比人頭痛身熱。無汗惡寒。脈象不浮而緩。  
爲傷寒且中風矣。欲以桂枝解肌驅風而不能止其寒。  
欲以麻黃發汗散寒而不能去其風。仲景所以合二方  
而兩治之。風寒外感。人身之陽必鬱爲內熱。非質重氣  
輕之物。不足以動其化。成此芍藥之所以出而石膏之

所以加也。名曰大青龍。其喘氣成雲。津魚而遊天池之意乎。○詩曰。桂枝芍藥生。姜棗麻黃杏仁。仍桂枝二方相合。杏棗除半辛味。入青龍小大青龍合又不同。去芍加羔功用好。

升麻葛根湯十六。就二物再用芍藥甘草。

傷寒目痛鼻乾。無汗惡寒發熱不眠。陽明經症也。此方主之。○陽明經脈抵目挾鼻。故目痛鼻乾。又經屬於胃。寒邪傷則氣血爲之壅滯。故無汗惡寒而不能安。臥陽明之藥涼平。可使達表。葛根甘草涼平者也。苦寒可使去熱。升麻芍藥苦寒者也。小兒發熱壯盛爲痘疹爲風。

寒莫能的辨此方亦穩。

柴葛解肌湯十七

柴胡 葛根 羌活 白芷 黃芩 芍藥 桔梗

甘草 石膏 姜棗煎

頭目腫痛鼻乾不眠惡寒無汗脈微大。此陽明太陽合  
病。節麻製此方以代葛根。用亦有効者。蓋羌芷柴葛皆  
能升提清陽而散在經之風寒。寒將變熱。石膏芩桔以  
清之。風將越經。芍藥甘草以平之。○葛曰升麻。葛根芍  
草輔柴葛解肌。羌芷助桔芩草。芍石蒸燒。或入棗姜防  
藥候。

三友丸十八

石膏八兩 麻黃四兩 杏仁二兩 松木糊丸

驗腫睛赤發熱頭痛無汗口渴此風寒失表邪氣傳入腸胃非三物味輕力重相友為用不能因遠外達經內症有內外治有輕重又曰病有遠近妄有貴小近者奇之制小其服此之謂也○詩曰石也高而潔崩也實若虛近仁女杏子三友是吾師。

九味羌活湯十九

羌活 防風 蒼朮 細辛 芩藎 白芷 生地

黃芩 甘草

此解表通劑。本料用之。專治頭目腫脹。夫腫盛由於濕。在頭目則兼風。經曰。上盛爲風。若風則濕不能自上。於高類清陽之分。是方羌活防風蒼朮細辛芎藭白芷。皆辛散之品。可以疏風。亦可以除濕。所謂辛藥能疏風。風藥能勝濕也。其芩地生草。風濕相搏。必有內熱。涼平協鎮榮衛。乃和然陰虛氣弱人。卽見前症。當於補陣求方。此九味八用不着。羌將焉活。○詩曰。生地黃如蒼。蒼朮白於芷。草上過辛風。芎藭活無比。

清空散二十 前方去蒼朮生地加薄荷菊花麴

麴黃連

風熱上攻。頭痛目壞。此方主之。○天陽氣鼓於溼虛。列於海。曰颺風。通身陽氣聚於頭。因類感。則邪實而狂痛。累於目。曰風變。理宜羌防等風藥。升發陽邪。所謂高竊之上。惟風可到。必用芩連者。風動火生。二物苦寒降火。火降風息。自能去疾於空清之上。故各○詩曰。九味臧求地。連薄菊。加別名。清空散。一棧散陽邪。

十神湯二十一

麻黃 葛根 芍藥 升麻 白芷 紫蘇 橘皮  
香附 芍藥 甘草

此陽經外感通劑也。吳鶴臯曰。古人治風寒。必分六經。

見症用藥然兩目暴病發熱頭痛而六經不甚顯明總以疏風利氣之藥主之。是方除芍藥甘草餘皆疏利。故可以解感胃氣塞之症。又必用斯二者欲陰陽之氣無盡向汗中泄也。吳綬曰此方用升麻葛根能解陽明時疫。若太陽傷寒發熱用之則引邪入胃傳變發斑。此藥彼盾正在司業者細心審視耳。○詩曰誰家葛地生甘草何處芍香似紫蘇。芍藥欄前升遠眺。橘麻黃落芷扶疏。

胃風湯二十二

升麻 白芷 葛根 柴胡 檉本 蔓荊 黃連



當歸 甘草 蒼朮 乾豆蔻 藜蘆煎

上。臉腫盛而爛。能食或澆泄。或下血。此方主之。○臉腫而脈肉動。責以胃風。善食易飢。卽癰成消中之理。澆泄食已。卽出益風。居腸胃如扇。其墜下血者。陽明多血。遇風則善行。故也。爰用白芷葛根柴胡。槁本蒼朮蔓荊草。薤白。隊升散之藥。驅逐胃風。使從外解。黃連升麻當歸。甘草。苦降甘緩。遏抑風威。不致變熱。經曰風淫所勝。平以清涼。佐以苦甘。此之謂也。若久病而有前症。此胃虛外風襲入。宜用人參茯苓白朮粟米健脾而除濕。苦藜蘆當歸白芍肉桂養血以驅風。○詩曰胃風何自來。蒼葛

冷多矣。微芷蔓柴升病本當不起。所以黃連氏草果甘  
不解。

麻桂飲二十三

肉桂 當歸 甘草 麻黃 生姜

此麻黃桂枝二湯之變方也。無論諸經四季凡陰寒邪  
盛熱散忌早寒散忌過者與是藥。蓋姜桂之性愈老愈  
辣。和以甘草。不防發傷氣之內寒。麻黃之資能散能收。  
監以當歸。自可解除陰虛之表熱。○詩曰肉桂偕麻黃。當  
歸合草姜。署名麻桂飲。功效匪尋常。

大溫中飲二十四

人參 黃芪 白朮 當歸 地黃 肉桂 乾姜

柴胡 麻黃 芩藹 甘草

元氣大虛。陰邪難解。及素稟薄弱。忽感風寒。惡寒頭痛。此方主之。○辛溫散寒。辛涼散熱。舉世尚矣。至陰陽互爲其根。汗化於液。元虛之人。須從補散。淺人思不及此。景岳以十全諸物。陰陽平治。微用姜柴麻黃。解其寒熱。可謂拾仲景之遺。服後不畏寒。反覺熱燥。乃陽回作汗。佳兆。更以理陰煎。麻桂飲。二方忝而用之。萬不可既疑。且悔。將改用涼劑也。○詩曰。大溫中。十一味。參芪朮草。姜麻桂芩。歸柴胡。熟地黃。飲畢。風寒應漸去。

神應散二十五

當歸 防風 藜蘆 芎藭 細辛 菊花

白芷三兩 甘草兩半 石羔六兩半生半煨熟

草烏五兩黑豆一升同炒熟去豆

目赤腫一二日頭眩頭風此方主之。○頭痛有六經便

應分經論治。然病已一二日此盛熱生風。从風動痰而

致。故君以石羔泄其風熱。臣以草烏散其風痰。芎防藜

蘆細辛芷菊且佐且使宣其風氣。再用當歸養血於疏

風之後。又以濟風藥之燥。甘草調胃於降火之餘。而兼

緩風邪上逆。定風止痛。此散有神應者。故曰神應散。

詩曰辛防芎芷棟當歸白朮川烏刺蒺藜甘草石菖蒲  
熟用散名神應譜非虛

升陽散火湯二十六

柴胡 防風 葛根 升麻 羌活 獨活 人參

芍藥 甘草 半夏 生

經曰食以養生又曰安穀者昌胃虛過食冷物填塞至  
陰升生之氣致所食不化鬱而生火肌表熱五心煩熱  
久鬱不達則銷燬真陰而皮膚筋骨皆為之熱故宜味  
薄氣辛如柴胡乾葛羌獨活輩以舉之清陽既出上竅  
則鬱火隨升麻涼而退矣再有芍藥微收其耗人參大

補其元。甘草生仍退熱。從而炙之。人參之儕偶也。得此因見此症不處此方。徒以爲火。知降而不知升。知奪而不知散。是絕其穀食也。安望其養生。○詩曰。升陽柴胡。家乾葛。防風升麻。羌獨活。甘草半生半炙。煎散。火寧須參和芍。

黃芪防風湯。煎蒸法二十七。

陰邪纏於目系。頭疼。睛痛。發散不退。宜以湯氣蒸之。用生黃芪一斤。防風半斤。作湯。煮斛。盛以大浴盆。盆上置一小板。令病人赤身橫坐於上。週遭以席圍圍定。勿令風入。湯冷再換。再添。俟汗大泄。卽以本湯浴之。週時可。

瘥若陽邪傳陰，及散有碍，以青橘葉煮湯熏洗如前。亦効。或白熏蒸徒欲發汗，但白水亦可。何必藥是。又不然，蓋人身竅竅內通藏府，一切諸氣由敷而入，呼吸傳變無處不之。黃芪甘溫善補，得防風而功補速，驅風輔正兩得之矣。橘葉香濁善散，乘青用布力益猛，若入腠理不喪元神，所取在氣，非專藉其熱而發汗也。經曰：開者發之，適事爲故。

### 艾蒸熨法二十八

諸經頭痛，攻散不退，用生葱白、乾艾葉、生西附子等分，同搗如泥，作薄餅布包着病人頭上，用熨斗置明火徐

徐熨之焦則再換再熨痛止爲度蓋蒸艾能通氣而附能煖氣從而熨之則邪從氣散亦熱因熱用之治針砭艾炙仍是宜泄其熱功效雖速出乎鍼灸未若此法之穩便病人樂而從事炒米炒益袋盛熨痛處亦佳。

通天散二十九

鷲不食草二錢 羊躑躅花 白芷 青黛

雄黃一錢 細辛 當歸 芎藭 附子七分

麝香五分 藥俱生用爲極細末錫罈收藏吹鼻中目暴赤腫氣血鬱壅肝脾法當搐鼻兩竅使邪從涕淚而出則痛稍止乃敢開視故以鷲不食草羊躑躅花青



蘇維黃解其風毒。考窮當歸白芷附子行其氣血。乃藥  
香細辛香燥之品。欲其壅滯速開。經曰暴者奪之。是蓋  
汗吐一變法也。然藥雖少。而性實銳。搏之宜緩。而不宜  
急。體弱及久病人禁用。方名通天何誌。天氣通於肺。肺  
竅開於鼻也。

真元衰憊氣弛精泄漏泄日甚不證之已乘固方。

玉屏風散一

黃芪 防風二錢 白朮四錢

御風走雨。雖車馬不免寒濕。以外得之。自然傷形。皮膚  
枯槁。自汗不禁。理宜峻補衛氣。則形斯復。黃芪甘溫。表  
虛之聖藥也。防風微苦辛。迴風能禦。因以相等。倍用白  
朮者。取其健脾不致虛不受補。得以成玉屏風之美名。  
云爾。○詩曰。白朮能過夏。黃芪却怯冬。燠寒無肉陣。料  
有藥防風。

百合固金湯二

生地 麥冬 百合 當歸 地黃 芍藥 貝母

甘草 元參 桔梗

肺傷咽痛喘咳痰血目赤痛此方主之。○肺金受傷則  
腎水之源絕腎脈挾咽虛火上炎故痛火上蒸肺故喘  
咳痰因火生血由火逼故氣輪赤痛須生地麥冬貝母  
元參桔梗潤燥除痰芍藥當歸地黃百合甘草養陰滋  
本。○詩曰麥門歸貝母草槭合刪楚生熟地無人芍藥  
開元圖。

妙香散三

人參 山藥 黃芩 黃耆 一兩 遠志 桔梗

甘草五錢 益智仁 珠砂三錢 木香一錢

每錢

因夢遺精。因遺視惑。此方主之。○夢者因也。想也。無夜  
 無夢。無夢不遺。心神亂矣。神亂則氣蕩。氣蕩則精離。精  
 離目本失資。故視而昏惑。理宜人參扶神。遠志栝樓。殊  
 砂。清神而安。神山藥黃芪。甘草益智仁。木香調氣而益  
 氣。神明氣正。則真火祛邪。淫夢弗作。精不固而自固。爾  
 乃麝臍辟惡。通幽之品。假以為使其千里之駒。乎。特木  
 材名散曰妙香。雖然夢遺。別名幽。婦人妾亦良。凡遠莫  
 寄。近難踐。約去不能再來。藉得通。其殷勤。宜泄情。替。

是故今夜邯鄲明夜巫山。睡過三生亦喜歡。比人夢。既種盟可重尋。一枕黑甜。迷離惘恍。又或燈火漸昏。寒衾獨擁。兩蕉風竹。紛聒無眠。牡丹亭上。花神拊合。誰來蝴蝶園中。月老遑遑何處。蕩然心傷。恨服此散。詩曰。妙香木麝兩氤氳。人靜神凝益遠聞。莫宿櫻櫻詳藥草。風鳴桔槔志無分。

加減輩隄丸四  
山藥打糊爲丸。芡實大硃砂飛  
淨作衣封固聽用

人參 附片 肉桂 小茴 韭子一兩 地黃  
當歸 黃芪 龜膠 枸杞 羊腎灰三兩 五味

故芷 胡巴 巴戟 益智仁 鹿茸二兩

病患火症泄利太過小水不禁目暗此方主之。○溲溺  
惟宜形氣治也不禁則病矣因藥過利且目暗其形氣  
大虛可知故宜鹿茸當歸龜膠羊腎地黃枸杞味厚之  
屬以補形。附子肉桂故芷小茴葫蘆巴巴戟天人參黃  
芪家韭子益智仁辛溫之品以補氣。曰鞏隄者欲水藏  
鞏固如隄故復以山藥硃砂爲糊爲衣益以滋培。○王  
百川東陸此丸其近之。○詩曰戟天參踰巴地桂龜羊  
鹿並杞菖味附芪補骨韭歸陽不但鞏隄還益智。

大補黃芪湯五

黃芪 人參 茯苓 山茱萸 白朮 當歸  
 肉桂 五味子 甘草 芍藥 防風 茯苓  
 地黃

大病後目昏自汗此方主之。○有因而汗雖汗無傷無  
 因而汗則陽虛矣。曰大病後自汗且目昏此尅伐太過  
 陰陽俱虛乃用十全大補加茯苓五味棗皮生津液而  
 救耗氣不用白芍用防風者藏府無恙但皮毛之間微  
 有病而欲平也。間虛不受補宜牡蠣黃芪麻黃根浮小  
 麥煎服陳來章曰汗乃心之液心有火則出不止宜牡  
 蠣浮小麥之鹹涼以去煩熱陽爲陰之衛陽氣虛則衛

不固宜黃連麻黃根之升溫而實肌表。○詩曰木補黃  
其湯元本十全意。譯味黃皮加致精銷除翳出朽木防  
風相畏特相使。

當歸六黃湯六

當歸 生地黃 熟地黃二錢 黃芩四錢

黃連五分 黃芩 黃柏一錢

陰虛有火鬼門不閉盜汗此方主之。○汗乳謂之鬼門。  
盜汗睡而自出也。責在陰虛所以然者陰虛人睡去則  
衛外之陽乘隙陷入陰中擾動津液而表失所固故泄  
而為汗既覺則陽用事衛氣復出於表表實汗即止是



以象門不閉。久令人喪魄。治宜兼補真陽。不獨論陰虛也。今日陰虛有火。尚有目紅面赭。口乾。便赤。脈數等症。理宜當歸二地。以養陰。黃芩連栢。以瀉火。倍用黃芩。以固表。甚大瀉後。及失血新產。盜汗。此爲虛脫。急用參。黃歸。白朮。五味。棗仁。枸杞。大劑溫服。倘以六黃處方。下喉隨斃。○詩曰。當歸六黃。生地熟地。連栢。芩。此方誰製。不可無一。不可有二。

寧志丸七 合甘露飲二方

人參 茯神 遠志 栢仁 當歸 琥珀 乳香  
棗仁 黃芩 地黃 五味各等分 硃砂減半爲衣

因驚失志。怔忡不寧。夢亂無寐。遺精盜汗。此方主之。●  
淡泊明志。寧靜致遠。治心之驗也。因驚失志。寸衷不可  
自問矣。故怔忡無寐。寐而夢亂。盜汗遺精。精遺五味。地  
黃滋以固之。盜汗黃芪人參補而斂之。夢亂睡不熟。神  
不寧而火動。和以柏仁遠志。茯神驚悸失志。神已怯而  
魂離。安以乳香。硃砂。琥珀。餌此九外。更早起專內  
視而簡外事。間或焚香烹茶。彈琴看劍。消遣坐馳。如此  
數月。不惟病却。覺天機活潑。直欲與造化論錙銖也。率  
暴心痛。煩燥發熱。吐血便血。皆可出入見方。○詩曰。寧  
志參其疏。頂神遠歸東。坤甸閩人。漫言唇白。硃砂。鮑乳。

味香逾柏子仁。如脾腎虧損不能收攝精液。及帶濁經  
淋。虛滑不固。須兔絲石棗肉苁蓉。故世歸地。理其腎。參其  
米草蓮子山藥五味。益其脾。養神。硃砂遠志。交通君相。  
沉香附子肉桂。升降水火。則滑者秘。瀉而固者通。利精  
液治矣。此景岳固陰煎。苓朮兔絲丸。加減而變。此方屢  
施屢驗。爰命名甘露飲云。○詩曰。桂沉薶。天香妙。木  
草黃。祿藥味好。當道故人。附地仙。髮絲神志。起耆老。

### 秘真丸八

人參 地黃 棗皮 山藥 遠志 栢仁 棗仁  
五味 甘草 兔絲 金櫻子 當歸 牡蠣

龍骨

一切滑泄帶濁。淋遺多汗。及經水不固。致目暗羞明。此方主之。○精氣神真元之體也。神役氣氣役精真元之用也。一爲情慾所傷。則體用乖張。故得上項諸症。是方也。有人參山藥甘草立胎。顧母則萬葉成寧。有棗仁遠志。梧子仁。交通心腎。則淫火不作。有當歸地黃山萸五味。虎絲滋培水木。則源泉不斷。其金櫻子龍骨牡蠣者。澀可收脫。以諸藥偕之。乃所以秘固真元。不爲陰邪所耗耳。故曰秘真。○詩曰。真人地遠不思歸。栢葉成仁藥吐絲。龍骨草甘。栢牡礪。金櫻啖盡味。山菜。

二氣左歸丸

白黨參 黃芪 沙苑 鹿膠 龜膠 五味

棗皮二兩 地黃 當歸 枸杞 菴蓉 威蕤仁

山藥三兩 夏枯草 肉桂 楮實子一兩 防風

菊花 充蔚子五錢

無時淚出。此方主之。○淚之化液也。源於腎淚之成木也。由於肝。肝竅不密。虛風內作。無時泣出。法宜肝腎同治。故用人參、山藥、夏枯草、肉桂、黃芪、防風、白芍、充蔚子、楮實、升發肝中陽氣。且以疏內風而實竅。實地黃、當歸、枸杞、菴蓉、山藥、黃龜、鹿膠、蕤仁、五味子、沙苑、願養腎中。

陰血自可滋。泛火而通化源。曰二氣左歸者。陽氣歸肺。陰氣歸腎。肝腎位左。以故名之。是九成。宜龍眼荔枝大棗。姜煎湯。不時送下。二三錢。○詩曰。二氣藥歸參杞棗。黃芪楮地充。枯草防風沙苑菊。菴蓉龜鹿麩。仁桂味好。九仙丸十。

人參 款冬花 桑皮 桔梗 五味 貝母

烏梅 罌粟殼 阿膠

久咳不已。白睛微紅。生膠。此方主之。○新咳易愈。久咳難愈。所以難愈者。病邪傳變而深入也。是故咳久。目因紅。而眵生焉。乃特彙一體九物。以治肺。然經曰。五藏皆

令人喘。則消肺。又落第二義耳。臨斯症。其慎之毋執。○  
詩曰。九仙參。貝欵。冬花。桔梗。桑皮。五味。佳。尚有烏梅。罌  
粟。穀。阿膠。九就。獻。當家。

金鎖固元九十一

人參 白朮 乾姜 甘草 附子 烏梅 五味

枸杞子 肉豆蔻 訶黎勒 地黃 山藥

病目攻散太過。下利肌脫。睛陷。或腹復脹起。此方主之。  
散久傷氣。攻多損血。理也。攻散太過。則腸胃虛寒。自然  
下元不固。肌脫睛陷。或復驗脹者。因虛而濕氣乘之也。  
是方乾姜。附子。白朮。甘草。理中寒也。肉蔻。佐之。又能煖

下膈而治滑利。枸杞、地黃、五味、山藥、安腎氣也。人參佐之，亦可暢脾神而消虛腫。再有烏梅之酸，以致液燥者，可使之潤。詞子之澀，以固脫。通者，可使之塞。故曰金鎖固元。顧名思義，此方有神驗者歟。○詩曰：固元雅重地黃杞。附子理中藥。五味肉蔻烏梅黎勒，皆不須金鎖神門閉。

白菊清金散十二

人參 山藥 當歸 五味 地黃 甘草 天冬  
白菊花 紫苑 黃芪 百合

服淚不禁，此方主之。○眩淚，肺邪也。久流不住，則肺金



此女德虛則補其母故用人參山藥炙草子能合母實  
故用則黃芩歸五味其白菊天冬紫苑黃芩百合五物  
鼎經土藥兼補瀉而用之乃所以驅邪扶正云○詩曰  
菊酒味甘性醇善者英日飲身合健參山采藥天冬歸  
滿地黃雲寒紫苑

養陰清燥湯十三

生地 玉竹 百合 百部 石斛 麥冬 石棗

淡竹葉 當歸 人參 五味子 甘草 山藥

渴時煎疾也不治不變治亦鮮愈然無夜無明血淚枯  
禱風儀實不可觀不得不勉為變理以盡醫職故主是

方以清金潤燥爲首務。生地百部百合玉竹淡竹葉麥冬石斛清燥者也。當歸人參五味甘草石膏藥養陰者也。陰足則氣治。水自上升。燥去則血榮。火隨下降。水升火降而睛漏如初。術其終窮已乎。○漏睛久則必有骨常以麋雲丹透淨濁液。此湯乃効。○詩曰。養陰清燥石黃肉。百合百部金釵樹。麥門參地味。酸甘淡葉選當歸。玉竹

病有不同藥無大異。窮原應變。臨症因通。藥因方。

保嬰丸一

衛金 雄精 天竺黃 滑石 使君子取淨肉

蠟稍 蟾蜍去腸雜炙酥各二錢 輕粉 牛黃

硃砂名一錢 巴豆去淨油取霜 麝香各六分

濃煎二陳湯調菴豆粉蒸糊丸如梧子大陰乾飛石

青為衣鉛罐收藏聽用

小兒飲食失宜冷熱蘊蓄阻塞太陰傳送之路致清濁不分時泄時止兩時不善為調護必加目青面慘肌退肢熱似疳非疳而甚於疳將謂投以和劑則不着痛癢

投以熱劑則實實而耗氣。投以寒以補均非對症。術其窮矣。不塵為處此方。活者頗衆。故謬曰保嬰。或問故曰。輕粉竹黃石青丹砂鎮風執墜類痰之品也。益以滑石兼能解肌行水而火不內熾。鬱金雄黃牛黃破結氣散惡血之品也。益以二陳萊菔或更清胃扶脾而殺氣稍復。少佐巴豆麝香者。蓋癖積沉寒。法當以熱下之。且妙有諸藥監製則威而不猛。初則通幽繼而止瀉。固攻散之和劑也。且蟾蜍蠹稍使君子總以積鬱生蟲從而殺之法製始備難熾而弱者不可過餌。經曰大積大聚其可犯也。衰其半而止。過則死。○詩曰鬱金巴豆赤雄精。

滑石丹砂粉白麝。天竺牛黃蟾蜍麝。使君丸好保孩嬰。

### 六一散二

滑石六兩 甘草一兩

暑月身熱煩渴水瀉不利。主此方者。滑石性寒而淡。寒能清熱。淡則利水。少佐甘草。若恐石性過寒。用以和中。爾散名六一。非因方中銖兩起見。蓋取天一生水。地六成之之義。故河間又名天水散。本方加銖砂五錢名益元散。加薄荷名雞蘇散。加青黛名碧玉散。治同。本方加紅麩五錢飯丸名清六九。治赤痢。加乾姜名溫六九。治白痢。本方加生栢葉。生藕節。生車前。名三生益元飲。本



方以吳茱萸代甘草治濕熱不酸各茱萸六一散以黃  
芪代滑石治盜汗消渴各黃芪六一散以生石羔代滑  
石名玉泉散治陽明內熱煩渴頭痛

十味香茹飲三

香茹 人參 橘皮 黃芪 白朮 扁豆 甘草

厚朴 茯苓 木瓜

暑月身倦神昏頭重吐利目復欲作此外感而兼內傷  
常主是方其義維何暑能傷氣故身體倦怠神思昏沉  
人參黃芪木瓜以益之暑爲陽邪併於上故頭重目復  
欲作厚朴橘皮香茹以散之暑邪于胃必渴而引飲濕

熱相薄。故既吐且利。白朮茯苓扁豆以安之。如此調理。病不除。而日復能爲害。未之前聞。○詩曰。暑天却病尚。香茹扁豆參苓朮亦宜。獨怪瓜州甘氏子。厚煎陳橘飲黃芪。

清暑益氣湯二首四

人參	白朮	橘皮	黃芪	升麻	甘草	當歸
麥冬	五味	乾姜	葛根	青皮	蒼朮	神麴
澤瀉	黃柏					

長夏濕熱炎蒸。神體倦怠。不寧。身熱氣高。二便赤黃。渴而自汗。脈虛者。此方主之。○暑令行於長夏。則兼濕令。

矣。乃有上項諸症。故東垣處此方。兼而治之。蓋五味、薯  
蕷、麥冬、人參、黃芪。所以寧神致液。而益既傷之氣。二朮、  
二皮、神麩、萎草。所以調中破滯。而勝復傷之濕。餘濕未  
除。清氣不升。葛根升麻發而解之餘熱。未退。濁氣不降。  
黃柏澤瀉導而泄之。○詩曰。清暑益氣。補中得外。增蒼  
朮。葛。萎。澤。麥。冬。五味。雅相宜。去柴何取。青麩。柏。  
醋。精。燥。肺。金。兼。濕。又。傷。胃。土。應。神。不。寧。脈。虛。自。汗。藥。用  
補。中。益。氣。是。也。且。暑。燥。滋。以。五。味。麥。冬。濕。滯。疏。以。麩。朮。  
萎。葛。均。合。醫。理。外。此。他。經。無。症。故。出。柴。胡。知。出。柴。胡。  
何以青皮澤瀉黃柏。剋伐厥陰。太陰。庭鏡實不能解。是



有詩之中末句云云

人參 白朮 茯苓 甘草 黃芪 五味 麥冬

當歸 山藥 扁豆 知母 白芍

暑月目病攻散已退尋復發熱脹痛此方主之。○目既  
攻散則陽邪無有奈何再作此表裏俱虛氣不歸元而  
陽浮於外所以發熱非火毒未盡也只五味芍藥麥冬  
知母涼且收斂其燥歸芪山豆參朮苓草補而和平其  
目一服而再再而三則暑清氣治會收陽於內推病而  
出淺人遇此必寒且散不敗不已是方進而奏効不塵  
其醫醫乎元虛人即初得上症本方加石羔淡竹葉滑

石不合除歸芪五味準好。○詩曰歸芪四君合生脈。扁  
豆懷山芍藥白知母仍名益氣湯。清暑或加羌竹石頰  
醫至死竇李方務出青皮與黃栢。

保胎流氣飲五 附正氣天香湯

當歸 貝母 羌活 甘草 厚朴 乾艾 黃芪

荆芥 枳殼 芍藥 兎絲 芫薺

因胎目病此方主之。○胎氣宜固兼散非理也。然目病  
暴作不得不暫與治標。故以羌活芫薺荆芥枳殼貝母  
厚朴疏風熱而劫虛痰。黃芪當歸甘草芍藥兎絲艾葉  
護元神而平幽鬱。夫鬱舒風自息痰去神乃寧。神寧則

氣流血行胎其保而病亦潛除。經曰有故無損非無損也。此方之謂與如血熱氣不和。四五月胎動除。羌活荆穗芩藜枳殼用藿香紫蘇黃芩。或依紺珠正氣天香湯。烏藥乾姜橘皮紫蘇香附尤穩。○詩曰保胎流氣藥須知。枳朴芩歸及此絲。少佐草荆乾艾葉。活羌貝母到黃芩。○又詩正氣天香湯。台烏蜀白姜橘蘇。香附子明目保胎良。

蠟子丸六

木香 乾姜 百草霜一兩 肉豆蔻 丁香一兩  
杏仁一百四十粒去皮 巴豆七十粒去皮膜製淨

油 共爲細末用好黃蠟四兩清茶油一兩同燒  
化重絹濾過乘熱調爲丸茶豆大每服三十九丸  
下

肥疴冷積久傷脾胃致休息瀉利欲育雙服用此丸而  
明者蓋丁香肉蔻乾姜巴豆破寒宜滯立使開格通而  
陽復木香杏仁草霜黃蠟導氣和中自然水殺化而每  
延醫貫謂此方神妙不可言信乎○請曰蠟子丸丁香木  
香肉蔻杏仁百草霜巴豆去油黃蠟方中還有向乾  
姜

蠟子丸七

黃蠟六兩 白礬一兩 先將蠟鎔化退火入礬和  
勻爲丸。赤豆大。硃衣。以金銀花五兩。甘草一兩。酒  
一升。重湯煮出味。每下十九二十九。加至百九。酒亦  
三杯五六杯。漸飲至盡。量則有效。倘被毒蟲蛇犬所  
傷。加雄黃五錢。乳香三錢。沒藥二錢。

一切瘡瘍。覺發便服此方。得奇効者。蓋黃蠟甘溫。白礬  
酸澆。能護膜托裏。使毒不內攻。乳香辛溫。沒藥苦平。能  
止痛和氣。使火不上炎。再有金銀花。雄黃。清熱辟邪。甘  
草。醇酒。扶胃養血。游刃毒所。恢恢乎有餘力矣。

托裏消毒飲八 一方無連翹。有桔梗皂刺。治同

人參 白朮 茯苓 甘草 當歸 芍藥 白芍

黃芪 連翹 白芷 忍冬花

機要曰治瘧須明托裏疏通藏府調和榮衛三法內之  
外者其脈沉實發熱煩燥外無炊赤痛甚於內其邪深  
矣當疏通藏府以絕其源外之內者其脈浮數炊腫在  
外恐邪極而內行當先托裏外無炊惡之氣內亦藏府  
宣通知其在經當和榮衛用此三法雖未必即痊決無  
變症此方其兼備歟○外科方症至為繁雜且各有專  
家未能多識緣有因毒一欵始擇數方以應緩急外傳  
觸類屬望於後之學者○詩曰托裏消毒飲四君加歸

芪芷芩翹苦忍五物力相如。

仙方活命飲九

忍冬藤 卽全銀花 貝母 甘草節 天花粉

橘皮 當歸 防風 白芷 乳香 沒藥

皂角刺 穿山甲

一切癰疽及不知名惡毒初得此方主之。○癰疽皆由  
氣血逆於肌理加寒與濕凝風共火搏乃發紅腫尖痛  
爲陽爲癰深硬黑陷爲陰爲疽勢大身發熱食日減曉  
夜不安眠其症則重而險人手醕酒煎服蓋忍冬花甘  
草節天花粉貝母橘皮清熱解毒兼能利濕除痰當歸

防風白芷乳香沒藥活血疏風更可定痛護膜乃皂角  
刺穿山甲引前藥直達病所以決寒破堅酒煎者欲其  
通行週身使邪速散云兩服而活命非仙方如何○詩  
曰仙方沒藥粉加食乳母歸寧未忍還芷橘甘草年可  
引柔芝防刺莫穿山

神授衛生湯十

羌活 防風 白芷 穿山甲 沉香 紅花

透骨 忍冬花 皂角刺 花粉 熟大黃

石決明 乳香 當歸 甘草

癰疽初起軟腫赤痛頂高根活皮薄而光脈浮大有力



活命飲不應。主此方。方解前已悉。其所以不應者。候增  
身熱頭痛。二便秘結。故去貝母。楠皮。沒藥。用羌活。沉香。  
內升外發。這邪從表出。大黃。連翹。小清。大枳。俾毒隨便  
下。其石決。紅花。以腫係血凝。膿由痰化。進二三劑。未成  
則散。已成則潰。署各衛生。是已神授。恐未必然。○詩曰  
藥劑十五九。前方爲貝非。川楸沒香羌。選紅花。沉石決。  
大黃。喬辨衛生湯。

澤蘊酒十一 煉淨金銀花五兩 甘草二兩 醇酒  
一升 重湯煮出味如瑤色 平硬加黃芪三兩 酒不  
足可量添入

大小癆毒初見。進此酒。○金銀花。能清熱。甘能療虛。芬芳能醒脾。甘草化毒。和中虛實無忌。均屬外科聖藥。煮酒一盞。晝夜徐徐飲盡。藥力到矣。到則以前方先後煎服。病許頓減。量不勝者。亦須拚醉毋辭。

琥珀蠟礬九十二

黃蠟四兩 白冬蜜二兩 白明礬二兩 琥珀

明雄黃 珠各一兩如無珠用硃砂亦得

先將四硃砂細用銅杓鑊蠟與蜜離火俟少凝入

前末攪桑手氣丸赤小豆大每下三十九病甚者

日進三服乃得

凡癰疽及惡蛇瘋狗傷毒盛且急不能外出必致內攻  
先進蘇九護心貞吉無咎蓋人心清虛中正邪不易受  
亦不敢令邪犯以故癰瘍內陷蛇犬外傷毒氣攻入寸  
中命必傾矣是方蠟蜜甘瀉潤燥礬礬苦酸煎法汗護膜  
托裏推此居故再有氣味辛勝之雄黃辟邪而殺百毒  
性質精靈之珠珀鎮火以定驚風毒結盛縱急無能爲  
苦徐對症度量處方計日可決痊期○詩曰銀花草醞  
屠蘇酒加葦陰毒化無有護心古製蠟礬丸珠珀雄黃  
新方好缺珠丹砂儘可充蜜丸金衣真活寶

內托千金散十三

肉桂 當歸 黃芪 人參 忍冬花一兩 芍藥  
沒藥 天花粉 白芷五錢 乳香 桔槿  
甘草七錢 芍藥 防風三錢

惡瘡未成不消。已成不潰。此方主之。○瘡之惡者多矣。未能收舉。不消不潰。乃精血大虛。不能榮養成膿。切莫純用涼藥。致肌肉水寒。益難收局。須甘溫補而兼和之品。助氣活血。以速其起。頂潰膿。庶無變症。右方人參黃芪。甘甘草乳香。補氣者也。且以健脾生津。當歸肉桂。沒藥。芍藥。理血者也。更能益榮行瘀。忍冬花。天花粉。桔槿。專主解毒排膿。膿出則少用。白芷防風芍藥。充足除濕。飲

曰濕去可勿施。用者蕪酒調者亦虛。不厭補補不嫌多之意。語云方在靈不在多。醫在圓通不在信守。其斯之謂歟。詩曰千金內托尚參芪。桂草天花桔芷歸。再入忍冬芍芍乳。寧防沒藥病難驅。

癰疽之患。蓋由情慾戕賊真元。真元損則骨字縱可觀。身子空空如也。凡百乖厲客氣。易於感召。感召之際。較他人另深。是以毒作。丹溪謂陰陽相滯而生。理不外是。但滯字未得病情。當謂陰陽互相牽累。積鬱而致。如邪中氣分。津液稠濁為痰為飲。積久滲入脈中。血為之餒。此陽累於陰也。邪鬱血分。隧道淹沮。或溢或結。積久滲

出脈外。氣爲之亂。此陰累於陽也。其毒大小淺深。隨人之稟賦。感召以爲輕重。初見用活命飲。繼用衛生湯。俟成疔。知名驗。看頂高根活。色赤。焮腫疼痛。皮光薄。勢欲潰。及潰膿厚。鮮黃不臭。進托裏消毒飲。腐肉自脫。焮腫隨消。倘頂平。根散。色黯。不熱。不疼。腫雖堅。不作膿。不潰腐。或潰腐腫痛。仍不消滅。膿水清稀。新肉弗長。形惡氣奇。秘須內托千金散。再則十全養榮八物回生等湯。大補氣血。稍逆轉爲順。漸次畧帶消解。十亦可愈。五六必曰死。曰不治。聽渠墮敗。大失作醫之道。

隔蒜灸法

凡毒現形。取大蒜切片。置頂中。艾丸子灸。

二壯一換不拘數目。以膏灸至不痛不痛灸至痛乃止。無蒜時切生薑亦可。倘陰毒及爛腫不見頂。用濕紙刷上先乾處。卽是筆識之。再鋪紙乾如前。不問一處二三處。無効總灸。俟次服藥。准効。此瘡科起手第一要。著經曰。知其要者。一言而終。學者勉諸。

外科以膏藥爲首務。湯劑并丸散之擬。其因有三。曰便。曰醒。曰提。使者非提卽有毒初萌。涼其蘊熱。祛其遊風。活伏而內消之謂也。醒者非教病家警覺。毒既見。提抑勢。始轉轉應。得以驅除之謂也。提者非使人樂從。毒方熾。明知善惡。防其變遷。急拔而出之謂也。故便而方

藥兩味則痛不少減而紅腫彌加。醉而不詳審究則禍  
烈而潰腐無期。提而聽其至止則病變多端而敗壞莫  
測。三者兼備庶從事有濟。厥方於以知名如太乙膏玉  
紅膏諸書具載遠近徧傳是已考其藥太乙之元地肉  
桂當歸乳香沒藥行血止痛白芷元參大黃赤芍黃丹  
清火散風再潤以麻油毒從中化玉紅之當歸血竭紫  
草輕粉去瘀生新白芷甘草白蠟麻油理肌欬口自然  
肉好如初。其他萬靈萬應品彙縱多總不外箇中消息  
再徒欲兼精是道儘有名言無妨博蒐遠採

太乙膏十四



白芷 當歸 赤芍 元參 肉桂 大黃

大元地二兩 乳香 沒藥五錢 麻油一斤

黃丹六兩

將前七味油浸十餘日。慢火熬至浮起。濾淨。下黃丹攪勻。俟息冷。入乳沒再攪過。硬添油軟。加丹務以得中。適用爲度。傾入磁罐藏好。勿洩氣。○詩曰太乙鉛丹乳沒藥當歸元參赤芍大黃白芷桂麻煎膏成。不怕瘡瘍惡。

玉紅膏十五

當歸 紫草 白蠟各二兩 甘草一兩五錢

白芷五錢 血竭研細 輕粉飛各四錢 麻油斤一  
將前五件油浸四五日慢火熬微焦濾淨復煎沸下  
血竭少停下白蠟鎔化退火投輕粉攪勻藏用。○詩  
曰粉草油油芷葉長佳人簾捲日當陽蠟紅衫子醉  
如血映得花容紫玉光。

五苓散十六

白朮 茯苓 芝苓 澤瀉 肉桂

因濕脹併水瀉小便不利此方主之。○經曰諸濕腫  
滿又曰濕勝則濡泄水道不利者濕併於大腸故也。經  
曰淡味滲泄爲陽鹹味涌泄爲陰二苓澤瀉之功用也。

脾土健則能制濕。膀胱氣化則能利水。白朮肉桂之  
功用甚大。凡邪入太陽。目痛頭痛。發汗不愈。小便雖利  
而渴。亦宜五苓散引而竭之。使邪從下出。然無惡寒症不  
可用桂。故本方除桂名四苓散。本方加茵陳名茵陳五  
苓散。治濕熱。黃便秘煩渴。本方合四君子名春澤湯。  
治病後便澀而渴。本方合平胃散名胃苓湯。又名藜  
金飲子。治中暑傷濕。停飲夾食。腹痛泄瀉。及口渴便秘。  
本方合黃連香薷飲。治傷暑泄瀉。發熱口渴。及瘧疾熱  
多寒少。口燥心煩。不効。再合小柴胡。名柴苓湯。治之準  
的。○詩曰。四苓散。白朮起。芝苓澤。瀉茯苓。止熱因熱用。

肉桂增除湯。還能利小水。

疏鑿飲子十七

羌活 秦艽 商陸 檳榔 澤瀉 木通

花椒目 大腹皮 茯苓皮 赤小豆 姜皮佐煎

遍身水腫。喘呼煩渴。大小便秘。目赤痛。此方主之。○外

而一身盡痛。內而喘渴便秘。再日赤痛。此上下表裏俱

滿。務必分清其勢。乃施羌活秦艽疏表藥也。水邪之在

表者。解之由汗。而泄澤瀉腹皮。皆必滲利藥也。水邪之

在裏者。解之由瀉。而泄水毒。藜蘆商陸檳榔。以攻之水

氣。澤瀉目赤。豆以煨之。如此立法。非神馬疏江鑿河

之理乎於以各方。未為過實。○詩曰。流盤檳榔。合商陸。芥皮。姜皮。花椒。目赤。耳荒。其大腹毛。水澤。何愁。瀉不速。

### 大順散十八

甘草 杏仁 乾姜 肉桂

此方非治暑。乃治暑月受傷之胸胃。初未脾胃。濕熱。濕甚。溫惡寒。時雖夏月。引飲。食涼。過於寒濕。則陰陽互逆。必致霍亂吐瀉。乃用乾姜。肉桂之劑。利以順性。甘草杏仁之溫膩。而順氣。故曰大順。詩曰。散名大順。藥止四味。四味維何。杏草姜桂。

### 桂苓甘露飲十九

五苓散加 滑石 石熱 寒水石仍斟酌分兩作  
散為妙

夏月引飲過多。太陽受傷。致小便不利。渴熱上攻。眼目  
亟用三石以清熱。五苓以利濕。河間此方。謂為甘露。張  
子和加人參甘草。因脈虛而補氣。加木香藿香。欲化濕  
以除煩。○詩曰。寒水流滑石。芝朮沾蕪澤。○滑石。火煎  
甘露清炎熱。

六和湯二斗

木瓜 厚朴 扁豆 茯苓 砂仁 杏仁  
白朮 人參 甘草 藿香

六和者和六氣也。蓋風寒暑濕燥火夏月雜感爲多。先於脾胃調之。此知務之醫也。藥之爲性。香能醒脾。藿香、厚朴是也。辛能煖胃。半夏、砂仁是也。四君之用。酷暑橫流。必傷金水。扶其所不勝也。乃杏仁、木瓜清燥生津之品。合以前藥。正六氣之和劑也。傷冷加乾姜。溫散陰逆。傷熱加香茹。發越暑氣也。縮脾飲用砂仁、乾葛、草果、烏梅、扁豆、甘草。治九夏伏熱。更傷酒食。理脾清暑。同而異。異而同者也。○詩曰。六和藿朴杏砂。并半夏人參赤茯苓。扁豆木瓜甘草。米煎。增姜棗氣清寧。

羌活勝溫湯二十一

羌活 獨活 槁本 甘草 羌活 芎藭 蔓荊子

黃芪 防風

外傷於濕。頭痛。一身盡痛。此方主之。○脾胃虛弱。濕從  
內生。二陳平胃之類。主之。水停於膈。濕盛。濡泄。六一五  
苓之類。主之。水滲皮膚。肢腫黃脹。五皮茵陳之類。主之。  
今頭痛。一身盡痛。乃濕流關節。決非上件所宜。經曰。無  
竅不入。惟風為能。爰用黃芪。甘草。率諸風藥。升而散之。  
或曰。藥既屬風。何以又能勝濕。蓋風動氣。滿濕則潛消。  
營衣初浣。濯當風高懸。不終日。水自去矣。此湯除黃芪。  
汪氏謂可治傷風頭痛。亦近理。○詩曰。羌活勝濕。尚防



攻。風黃芪槁本。蔓荊芎外。加獨活天麻桂。寒濕升頭痛不

平胃散二十二

蒼朮五錢 橘皮 厚朴三錢 甘草二錢

濕淫於內。滿悶嘔瀉。及山嵐障氣。不服水土。主此方者。蒼朮本辛烈。加以橘皮。則燥濕而利氣。厚朴微苦溫。和以甘草。則寬中而散滿。四藥泄中有補。涼中有溫。直令胃土和平。永無濕鬱之患。故曰平胃。又經曰。谷氣通於脾。山嵐障氣。谷氣也。人受之不服水土。而腹脹不食。蓋土濕太過。故用蒼朮以燥之。甘草以和之。橘皮厚朴寬

中利氣以行之。本方加麥芽神麴。名加味平胃散。治宿食不消。吞酸噯氣。本方加藿香半夏。名不換金正氣散。治腹痛嘔吐。及瘧疫濕癘。加草菓姜棗煎。名對金飲子。治瘧疾。飲內再加人參茯苓烏梅。名人參養胃湯。治外感風寒。內傷生冷。及夾食停痰。發為痲痺。本方合小柴胡。名柴平湯。治濕癘濕瘧者。瘧發時。一身盡痛。手足沉重。寒多熱少。脈濡是也。

升消平胃散二十三

- 芎藭
- 紫蘇
- 橘皮
- 白芷
- 姜炒厚朴
- 蜜炙甘
- 草
- 砂仁
- 麥芽
- 藿香
- 山查
- 蒼朮
- 香附

日。以。病。忽。頭。痛。腹。痛。吐。瀉。交。作。此。感。寒。停。食。土。是。方。者。  
菴。苳。藟。橘。正。散。虛。風。而。逐。陰。寒。砂。藿。查。芽。正。乖。戾。而。消。  
滯。膩。再。有。調。中。之。姜。朴。蜜。草。和。氣。之。香。附。蒼。朮。大。劑。煎。  
投。自。當。立。效。是。故。痘。疹。發。熱。腹。急。痛。或。嘔。或。泄。症。既。相。  
符。因。應。無。異。進。此。散。仍。甘。○。詩。曰。平。胃。橘。皮。蒼。朮。朴。升。  
消。增。苳。藟。藿。山。查。麥。附。縮。砂。仁。覺。校。本。方。殊。老。作。

升陽除濕湯二十四

升麻 柴胡 防風 甘草 蒼朮 澤瀉 芩

神麴 橘皮 麥芽

脾虛不治。濕勝濡泄。視昏而惑。此方主之。○清氣在下。

則生後泄。故用升麻柴胡提而降之。又曰濕勝則濡泄。故用蒼朮澤散而通之。但泄雖云蘊濕。多從飲食而得。又須麩麥以消食。甘橘以利飲。進此湯。短睡半晌。徐徐壓以美膳。昏惑自銷。○詩曰升陽柴胡。橘除濕。芝苓木麩麥附升麻。防風生草澤。

活血散二十五

當歸 赤芍 芎藭 紫草 紅花五錢 木香

血竭二錢

虛中氣血凝滯。欲作目疾。速用芎藭木香當歸。行其滯。紫草紅花赤芍血竭。消其凝。服此不愈。再加橘皮升麻。

疏痰利飲。木通、甘草、導熱和中。更名消毒片哉。○詩曰：痘中紅赤上雙睛。活血葶歸柴木能。不愈通加并橋草。別名消毒服之靈。

調元化毒湯二十六

紅花 木通 荆芥 鼠粘子 紫草茸 白芍藥

甘草 桔梗 前胡 生地黃 黃連 當歸

黃芪 防風 蟬蛻 山查 人參 黃芩 連翹

痘疹。前人皆謂心火炎盛而發。蓋子之孕母腹也。母呼亦呼。母吸亦吸。呼吸者陽也。陽化氣而動作。坐焉。母食生精。母飲生血。飲食者陰也。陰成形而體質生焉。陰具

陽足十月而誕。所受胎毒。則歲會天符。天時亢熱。乘心。心熱則散。一齊併發。故七日齊。七日盛。三七火數盡。而謝。小兒耳尖冷。欠伸睡中驚醒。雙眼含淚。壯熱。知其必作。放點起脹時。目即病者。乃毒氣上攻。稍失檢點。爲禍不測。收靨落痂時。暴赤腫痛。雖爲餘毒。險急。一同統與前湯。若痘中夾癍。夾疹。尤爲得旨。蓋防風。荆芥。前胡。蟬蛻。升發陽氣者也。亦可祛諸風邪。牛旁連。翹山查。桔梗。解利邪毒者也。亦可散諸癍結。無濕不疹。除以木通。甘草。無熱不癍。降以黃芩。黃連。氣不上。下人參。黃芪。以通之。血不流行。紅花生地。紫草。歸芎。以順之。如此化裁。功

非獨能於自如其毒痘科用必其畢而乾亦良劑也  
如謂痘毒從寒水始流壯火而致初則勝光之水毒  
疏而壯小勝丙火故項已上先見次則汗燥發水不  
心經丁火故胸已上先見則一夫燻盛反制寒水故  
腹已下後見夫火受水射既未成精熱成痘毒發得  
熾盛反制寒水且寒水值初值實壯水滅火乃又熾  
化毒攻散處方豈不學上加霜立言如此醫者何自而  
得○痘疹之原甘肅熱下焦精有落地即托淨更用黃  
連甘草抹兒口以解之後不燥不渴道竟以痘毒清毒此  
血所敷何人人不免必廣會夫痘行氣滿則發何里中傳

難知休。必信神。子。擇地。流布。何在。處。人工。可。種。其。其。  
 胎。毒。即。有。公。孫。母。女。同。作。者。果。其。蘊。熱。耶。毒。毒。常。端。月。  
 散。散。此。生。身。不。再。見。危。危。物。淵。微。誠。非。管。蓋。能。測。腐。腐。  
 經。品。經。不。是。理。學。便。是。數。學。談。天。說。地。潮。往。影。來。健。集。  
 身。歷。目。見。繫。繫。可。據。問。以。身。歷。目。見。如。痘。疹。等。事。直。若。  
 好。登。臺。階。不。自。知。其。所。出。子。弟。有。當。值。者。偏。惑。於。教。書。  
 好。親。夜。詞。曉。規。曉。雞。聲。者。面。面。之。悟。不。為。怪。今。古。一。轍。可。  
 勝。悼。嘆。の。詩。曰。空。地。春。草。綠。草。茸。不。甘。刺。結。根。連。世。如。  
 空。好。藥。紅。花。黃。蠟。亂。當。前。中。午。風。



沉香 丁香 乳香 檀香 麝香 安息香  
 香附 白木 冰片 華菱 柯子 硃砂 犀角  
 蘇合香油各等分

因風因厥眼有睛斜喉中痰沫壅盛水飲難通非辛香  
 溫熱不能開竅還陽故集上項諸藥必用硃砂柯子犀  
 角者防溫熱之過燥而耗心血辛香之走散真氣以斂  
 肺液爾中寒中惡用亦適宜然終能耗元神而動內風  
 備以救急可也慎毋令人多服○詩曰蘇木丁香乳麝  
 瓣片檀安息草沾泥都來香附柯梨勒油杏丹砂印謄

犀

抱龍丸二十八

胆南星二兩 天竺黃一兩 硃砂五錢 琥珀

珍珠 雄精三錢 檀香 人參二錢 麝 木香

沉香一錢 甘草煎膏為丸 芡實 大金衣

小兒一切驚搐致轉關諸症主此方者寶氣可以

鎮驚金珠琥珀雄精是也香氣可以散搐沉檀木麝竺

黃是也驚搐因風虛人參甘草扶其元風虛生痰火南

星牛胆清其熱抱龍二字義未詳或者龍為肝火定風

鎮驚之謂也○詩曰天竺星珠獨夜光丹砂珀酒人雄

黃赤沉檀麝香初熟蒸抱龍頭石珠

升解散二十九

芍藥 生地 芍藥 黃芩 木蘄 升麻 硃砂  
茯苓 甘草各等分

小兒痘已現形暴發驚搐目赤畏光泣出此方主之。○  
痘形雖見熱應漸退復發而驚搐兼得目病則係木火  
兩盛。兼用芍藥生地芍藥涼血而平木黃芩升麻木蘄  
專赤以泄火硃砂黃芩三物特以鎮驚收淚耳。然此痘  
來勢險甚服一二夫不減須養精神。○詩曰痘見日隨  
紅急需芍藥通硃砂芍藥地升解不無功。

五積散三十

當歸 芍藥 桔梗 茯苓一錢五分 乾姜

肉桂 半夏 蒼朮 厚朴 芍藥 甘草一錢

麻黃 白芷 橘皮 枳殼六分

此方能治寒積良積氣積血積痰積故名五積丸其義

麻黃白芷精專解表甘草芍藥德合和毒蒼朮厚朴辛

胃中之散阜橘皮枳殼發膜原之蘊藏姜桂芍歸入血

分兼祛寒濕半夏蒼朮逐浮飲更豁頑痰益陰陽表裏

通用之劑也外感風寒內傷生冷身熱無汗頭痛口燥

發脈赤準元氣素虛人出麻黃蒼朮枳殼入參朮再枝

冷自汗加附子生黃芪○詩曰五積枳橘陳成妙正

姜桂蒼於朴麻黃半夏采苓歸草梗。刪除若苦藥。

天保采薇湯三十一

人參 黃芪 當歸 地黃 甘草 白芍

穀精草 黃蓮 山查肉 葳蕤仁 黃芩 木通

桔梗 前胡 連翹 紫草茸 麥門冬 大力子

即黍粘子

此清毒活血攻補兼施之方也。痘中。日熾發明。知邪于  
風木然痘色淡而漿空。生氣血大虛。却不敢驟補。蓋補  
則痘利。決害於目。目赤疼。而驟生變。幻多端。仍不能寒  
散寒散。則目寧有傷於痘。當家殊覺棘手。謾育庸劣。右

此清毒活血攻補兼施之方也。痘中。日熾發明。知邪于  
風木然痘色淡而漿空。生氣血大虛。却不敢驟補。蓋補  
則痘利。決害於目。目赤疼。而驟生變。幻多端。仍不能寒  
散寒散。則目寧有傷於痘。當家殊覺棘手。謾育庸劣。右

方。人參黃芪地黃當歸甘草滋益真元者也。真元濟則  
黃芩黃連木通大力可施其冠伐芍藥穀精山查雞仁  
紫草調和榮衛者也。榮衛調則枯槁前胡麥冬連翹可  
靖其妖氛。夫如是症雖異而藥參同契。兩不相妨。曰天  
保采薇者。借言吉人荷天保安。仰單厚戩穀。厥藥用無  
不宜。病莫不興矣。益曲盡其情。敬司乃事。毋使病起  
而忘護持。人謂余不利治。弗良醫。無恒術。不精作此方  
者。其思全省。疾寡尤。寡悔之師乎。夏禹鑄亦有此湯。名  
藥品大相懸絕。不知何所取義。且無論症之順逆。總教  
人按方煎服。尤不可解。○詩曰。天保采薇。湯藟芩連。地

黃歸芪參大力甘桔芎通方。紫葇草饒鮮色。麩仁有密香。  
前胡云殺麥。性質等。查涼附夏方。枳桔二陳藥。升酒猶  
其。葇柴葛。新飲。酣菴。蒼獨謹朴。

達原飲三十二

檳榔 知母 芍藥 黃芩 厚朴 草薺 甘草

熱疫蒸燂。神膏喘不能耐。但治其疫。目自寧。右方檳榔  
辟瘴惡。且疏通。歲運草薺發伏邪。而不損天和。熱甚傷  
形。故痛。知母黃芩以清之。熱久銷陰。則瘕。芍藥甘草以  
平之。夫疫乃天地非常之氣。其中人不由經絡表裏會  
於夾脊。附近於胃。卽鍼經所謂橫連膜原者。是得此湯。

而直達之。重者漸輕。輕者頓解。○詩曰：檉苓芳藥。楚郊  
母難消。受炙草厚而甘。達原宜急就。

清平丸三十三

檉榔四兩 蒼朮 厚朴 半夏麴三兩 草菓仁

廣橘皮 山查肉 香附 白芍藥 黃芩

知母二兩 柴胡 乾葛 藿香梗 紫蘇葉一兩

青皮 枳實 甘草一兩

生薑汁、瀉六神麴淨粉、打糊為丸。彈子大。每用一丸。  
鴨化。緩緩嚥下。如精神稍爽。照藥品作湯劑。仍加神  
麴。併扭生薑汁對服。



右方專治重痢噤口。飲食不入。入即吐。及一切時行傳染。內外壯熱。無汗。口渴。蓋天地乖戾。客氣隨人呼吸入胃。正不勝邪。登時疾作。頭腹急痛。已而發熱。或吐。或瀉。水漿不能下咽。檳榔。葶藶。藜蘆。朴。姜。麩。甘草。半夏。可達原而平胃。橘皮。蘇葉。藿梗。查肉。柴胡。乾葛。可解肌而正氣。熱毒上格。故凡物不納。白芍藥。黃芩。知母。以涼之。厲氣中結。故滯下不順。香附子。枳實。青皮。以利之。病驟形實。沉困自當頓甦。再就是驗症增刪。無人不起。乃名其丸曰清平。○詩曰清平首選達原方。平胃香蘇散合裘。再入葛柴查枳麩。青皮瘦骨復天常。